

國
朝
文
匯

國朝文匯乙集目錄

卷二十六

王

昶字德甫號述庵一號蘭泉江蘇青浦人乾
隆甲戌進士官刑部侍郎有春融堂集

經義制事異同論

唐宋兵制得失論

書平義山詩後

翁石瓢布衣賞雨茆屋詩序

壘水河觀瀑樓記

雅州道中小記

木耳占記

顧

鎮字儒九號庚東江蘇常熟人乾
隆甲戌進士官徐人府主事

白茆水利議

陳司業全集序

書邢貞女傳後

遊玉淵潭三峽澗抵棲賢寺記

遊秀峯寺青玉峽觀瀑布記

九

遊瞻雲寺重過秀峯樓賢記

十

重修衛文節公祠堂記

十一

陳清端公家傳

十一

朱辰應

字載坤號清谷子
浙江秀水人詔生

吳禮部傳

十三

高工部傳

十三

徐氏兩烈婦傳

十四

吳烈女傳

十五

亡妻行述

十五

平聖臺

字瑤國號確齋浙江山陰人乾隆甲戌進士官由庶吉士改知縣至廣州府知府

二研齋遺稿序

十七

吳大勳

字建猷江蘇青浦人乾隆丙子舉人官雲南麗江府知府有善兩齋雜著

川主廟記

十八

盛百二

字春川號袖堂浙江秀水人乾隆丙子舉人官淄川縣知縣有袖堂文集

編審論

十九

書握奇經後

十九

左都督藍公家傳

二十

鄭先生傳

二十二

國朝文匯乙集卷二十六

經義制事異同論

王昶

古無經術治術之分也。必衷諸道。道者所以制天下之事。裁其過引其不及。循循然使民共由于道中。故禮樂者道之器也。兵刑者道之斷也。食貨者道之資也。他若可驚可愕非常之舉。粹然臨之。而聖人不以為異。以為異者。吾固有常者以節之。要皆使不繆戾于道焉。乃止。然聖人又慮後世之未明乎道之故也。垂之言。筆之書。且其所為筆於書者。反覆詳焉。而不厭。俾後世因吾言以求夫道。因夫道以制夫事。而聖人之道。已大白于天下。故古之經術治術無別也。自六經中厄于秦火。漢儒倚據撮拾于煨燼中。為之箋解訓故。貫串鈎穴。功亦可為鉅矣。其間往往有以易候氣。以洪範驗五行。以齊詩測性情。以春秋決疑獄。以禮定郊禘大典。而缺略放軼。不能盡悉聖人之道之所以大於時者。管商申韓鄧析子之學者。遂得竊起持政事之柄。而經生僅僅守其空文。以相號召。經與事遂判然為二。雖生心害政。未嘗不歸咎于異說。而諸儒之迂疏無實用。或有以致之也。宋胡氏瓊憂之。因分經義治事為二。各因質所近以教授諸弟子。其後用之于世。莫不班班然有成效。可紀夫胡氏治事。粹然一出于正。蓋掃管商申韓鄧析刑名法家之積習。使學者知王道所本。洵可為造士者。

法矣。然其所治經義者，將抱聖經而止斤斤焉，佔畢乎。抑亦將以不爛治事之人而使之仕乎。恐治經義者，仍歸于迂疏無用，而聖經終以虛文傳世也。然則學者之為業也，惟就其實以擇所事事焉，而六經中所有言其事者，悉反覆考證以端厥本，使異日出之，皆為有用材，庶經術與治術合，大道其不分同異也夫。

唐宋兵制得失論

從來治國者，莫急於治兵。君任良將，將取精兵，有可強不可弱之氣。然後國家久安長治，不當叢寓兵於農之迂說，以誤國也。唐宋之主，皆百戰而得天下，唐強，失其所以為強，則偵亂而蹶，宋弱，不振乎其所所以弱，則疲茶以亡。說者謂唐之制以府兵為最，將軍統諸府，府有郎將坊主團主相統治，此制馭之善。宿衛者視地遠近為五番七番八番十番十二番之法，此成役之善。二十而兵，六十而免，此休息之善。全府發則折衝以下皆行，不盡或果殺行或別將行，此調發之善。軍有坊置主一人以課農桑，此勸課之善。夫亦取其與周禮畧有似焉，而不知唐兵之強不在此，愚常考太宗之置禁軍也，擇善射百人為二番，又選材力驍壯者置飛騎，試而取之也，甚精。其十二道都尉，率五校兵馬而訓練之，步伐擊刺，秩然有條，故橫行天下而莫當也。開元初年，廢府兵，置彊騎，各衛軍悉果敢而勇於戰，所以高俛獲車鼻，裝行儉斬泥軟，

王孝傑破泥孰侯斤。此時兵號最強。李林甫停上下魚書。童奴侍官。習為魁木扛鐵。禁軍弛而各衛軍皆壞。軋崋山得以擁二十萬之衆。一發莫支。後雖撲滅。而老兵悍卒。秉節鉞以鎮要地。聚財賄以養死士。黑雲落雁。銀槍劔節。感松恩而致其命。始也各衛弱而不足制藩鎮。終干凍淮。國遂以亡。故曰失其所以為強則蹶也。若宋之兵不然。開國之初。曹彬潘美皆大將才。而未足以當一耶律體歌。寶元時。韓琦龐籍皆名臣。而不能平西夏。兵本弱也。慶厯初。禁軍入籍者八十餘萬。王曙王繼英嘗言。驕惰悍慢。率不可用。迨道君將董貫。而閻頤至二十四萬。金人直入。其誰能支之。南渡後。兵半入於盜。半死於戰。張懸之巡社。王庶之義士。一經見敵。靡有孑遺。自樞密院頒救閱之法。而宿衛稍強。自左右翼親自教戰。而外軍亦少震。故大敵巨盜。內外交訐。吳韓劉岳諸人。猶能屹然。壯東南半壁者此也。咸濤間。招平民為兵。取充數以覲賞格。兵制極壞。惟江淮水軍。布置漸密。其餘無足取者。夫遼人二帳十二宮一府五京。有兵一百六十萬。善戰能寒。金人兄弟子姓皆良將。部落保伍皆銳兵。元則外有秃魯華諸軍。內有四怯薛諸軍。戰勝攻取。電激風發。卽西夏僻處銀綬。而十二監軍六班十部之設。其雄才亦有過人者。而宋以疲茶之兵當之。宜其始而納幣。繼而拜表稱臣。終至崖山之痛也。夫設兵之善莫如唐。三百餘年。四夷無敢彎弓南下者。取

將之善莫如宋三百餘年。叛臣無敢稱兵犯闕者。然開元以前。總管節度威震邊關。詔書甫下。解職趨朝。不聞跋扈以抗王命。知唐末之亂。非立法不善。而任人之不善也。論兵者。舍宋取唐。知人以任將。任將以練兵。庶中外宴然而國家有可強不可弱之勢矣。

書李義山詩後

義山詩前人論之詳矣。其文麗。其旨深。其寄託要渺俶詭。而忠義之志。悲憤激發。而不可掩。目為離騷之苗裔。風雅之閨伎。豈過譽哉。義山初壻于王茂元。既從鄭亞辟為校工部員外郎。卒連蹙窮厄以死。蓋未嘗一日立於朝。乃能憂時事。激發悲憤如此。晚唐慷慨之士。莫若劉去華。一時文人。未有與之倡和往復者。意其人槎牙磊砢。為世所不喜。義山生則寄詩以致其懷。歿則哭之。且謂義兼師友。則其能與忠義之士為伍。又可知已。唐自天寶以後。僕固懷恩。朱泚。李懷光輩。相繼不靖。而吐蕃回紇更踐入犯。天子往往蒙塵於外。其間雜以藩鎮之拒命。閹寺之亂政。李輔國。元載。盧杞。皇甫錡等之奸慝。士大夫憂國者。當太息流涕。繼之以痛哭。然自李杜以下。如義山之悲憤激發。僅數人焉爾。其餘能言之士。讀其詞。乃若太平無事之所云。蓋士氣之頹窳極矣。豈積亂之後。教化不修。士人無復有知忠義。其視朝事播遷。杞程如秦。

越人之不相涉歟。抑是時所尚者。異儒僧猾之人。其有插齒牙樹犄角者。錫而去之。以致接嬰。洩恣。浸淫成習。歟。嗚呼。楚婦不恤其繻。而憂宗周之隕。漆室之女。倚柱而悲吟。蓋忠義本於天性。雖婦女有不得不然者。而視為可以不然。於是乎庸懦僧猾。勢將無所不至。以庸懦僧猾之人。登進於朝廷。且引其黨類。率以保全祿位。榮身肥家。為得計。其於君父之播遷。杌隉。豈所惜哉。故唐之亡也。張文蔚。蘇循等。泰然以國與人。不復顧惜。廉耻。摧其本。皆自士大夫不知憂時始。雖然。孰使忠義之士。錫其齒牙犄角。喋不得言。以浸成此習也。蓋所由來漸矣。義山之詩。去華之對策。所謂頑廉而懦立者也。為國者。欲以風勵天下。忠義必取諸此。

翁石瓠布衣賞雨茆屋詩序

往予年弱冠。游學於紫陽書院。吳門之搢紳先生。布衣韋帶。無不交也。時李容山先生。以布衣稱詩文於世。容山為人。寬而靜。柔而正。恭儉而好禮。詩與文如之。是以楊文叔。蔣迪夫。李玉舟。沈文愨公。莫不重其文。而推其學。容山逝後。沙斗初。維杓。張崑南。岡。復以布衣稱詩。吳下。斗初。隱於賈所。至登臨弔古。其詩發揚蹈厲。磊落而多奇。崑南業於醫。又善琴。其詩醇古淡泊。清新微妙。二人之詩不同。然其寬靜正直。恭儉而好禮。則同。稱其為布衣韋帶之詩也。嗟乎。聖賢之所為。歎惜於石隱者。為其憤時。

絕俗往而不返。故謂鳥獸不可與羣。若夫時際昇平。重熙累洽。陳殷置輔。羣龍盈朝。而因以蕭閒寂寞之身。適其山林風月之趣。隱不違親。貞不絕俗。豈非聖賢所稱尚者歟。此北宋之林逋。魏野。潘閻。傅霖之徒。公卿大夫所相與締交而恐後者也。余浮沈京師。及奔走四方。凡三十餘年。而沙張兩君亦先後逝矣。竊欲訪隱君子於吳門。從之游。而絕不可得。庚子。余以乞 恩歸葬。乃聞翁君石瓢名。知其能詩好古。中年不娶。教授生徒以自給。又三年。丁憂歸里。始見君。默然如舊識。君為人寬而靜。柔而正。恭儉而好禮。甚矣。其似客山也。及出賞雨節。屋集。清幽疏動。備然自拔於塵埃之表。較林逋魏野之詩。有過之無不及也。沙張逝矣。得翁君而與之。豈不足慰懷舊之思歟。吾聞石門有方君薰者。工詩畫。善八分書。性情嗜好。有似於翁君。故世亦以布衣稱。惜余之尚未及見也。他日介翁君以求之。兩美相合。庶沙張再見於時。而余以遂初投老之身。獲與共適山林風月之趣。或挈舟而訪。或據梧而吟。文酒之作。比於昔日。豈不重有幸哉。遂書之以為序。

壘水河觀瀑樓記

騰越州之壘水河。益澗也。其地在城西門外二里。寶峯山水自赤土羅生。諸山來下。流為大盈江。至是崖忽斷。缺水懸以下注於壘。凡百有餘尺。人出閣聞。聞其聲。自然

轟然若駢車。若奔霆稍近。渡石梁。沫隨風著衣袂。及而若散絲。若霧雨。暨迫而視之。若懸布。若繡雪。襪跳盪。翕張擺劃。洄洑云。駭心眩暈。惟兩崖道蕪蕪。無駐足所。游人病焉。水東坡上。故有毘盧寺。寺後翼以樓。州牧吳君撤樓之。西壁而窗焉。瀑之全勢。一攬可盡。因顏曰觀瀑。游人於是始大愜。余以冬十一月來。坐斯樓而望。獨有感焉。中夏之水。如江淮河濟。率導源西北。演迤迄於東南。是以自古用兵者。由西北取東南。易由東南取西北。難。蓋高能取卑。而卑不能統高。形勢使然。今大盈江經南甸。又南過千崖出關。出蠻幕湖。滙於南大金江。循阿瓦城以入海。而茲水實為其源。蓋中夏之氣。達於緬甸久矣。達之既久。勢必與中夏合。日者緬首恃其峻遠毒癘。屢討弗其。蓋傲然以茲水卜之。其將隸於版圖。夷於郡縣。俾我聲教敷於南海。曉然無可疑者。適吳君屬余為記。遂書之榜諸樓。以誇游人云。

雅州道中小記

距雅州府治四里。聞水聲潺潺然。蓋叩水也。編竹為筏。浮水面。筏相接處以木亘之。維絛纒如篾席五重焉。行筏上。水汪然出馬蹠下。竹間疏可以通水。而履之若康莊。法至善也。巴蜀之間。渡水者率用竹。故古謂之叩筏。徐廣云。筏竹索也。余聞汶川西北。多索橋。法絞竹為綯。穴山趾以貫首尾。一橋凡束數十綯。經於空中。人行其間。顛

賊心目昏眩暈。至有噁者。又松潘雜谷有溜索。索亦製竹絞焉。兩崖植椿各二。高卑各一。西崖繫索高椿上。則以其木曳東崖。屬於椿之卑者。其自東而西亦然。剖竹為瓦狀。有渡者縛兩瓦合於索上。又縛人於瓦上推之。瓦循索自高以迄於卑。抵岸側則解其縛以行。他若財貨器用及嬰兒皆可用以渡。渡者如激矢。其下石如犬牙。與波浪相憂摩。而土人殊不為意。其奇詭險怪若此。或云即蜀都賦所云都盧尋樞者。嗟夫。微外蠻獠所造作器用。大率非中原所經見。又聞打箭爐西章谷河。夷人用犛牛皮。網於竹以為船。圍二丈餘。徑約七尺。容兩人。渡船行杖枒亂石間。水若噴雲。篙師舉篙點之。篙善委蛇。屈曲無不如意。否則觸石。棧率以破。敗淹沒云。自雅州至小關山。兩山皆壁立。谿中石巖巖然。若卵若棊。若彈丸。若缶。若甕。若釜。大者若舟。蓋夏秋間。瀑流怒漲。挾石以下。轟訇亂紛。排擊抵蕩。凡角圭。錐。殺。馬。故其狀若此。谿水落人為道路中。水漲則從偏橋以行。偏橋之制。先鑿穴石壁。上下二三丈。復鑿穴以楛巨木。木斜出杪。與上壁穴平。舉木橫上穴中。復引其首綴於木杪。勢平後固以繩。或鐵。或竹索。兩木間則施駢木馬。實土布以版。如是始通人行。秦中名曰棧道。又名關道。夢黔皆有之。惟蜀為甚。歲久頽稍弛。率跛倚搖蕩。又久者版木朽腐。缺處俯見。萬石。林。石。皆槍植。劍。蟲。輒背汗。足。瘁。澀。不能舉。馬。踏。其。隙。顛。墜。行人。墜。萬。仞。下。肢。肌。糜。

白茆水利議

顧鎮

白茆港西距震澤百五十里東北皆逼大海旁引陽城相城施城巴城傀儡及邑西諸湖之水流灌遠近蘇太二屬數百里間視白茆之盈涸為利病故所關為鉅也說者謂震澤之水歸注白茆入海此殊不然按桑氏舊志白茆本係湖泊與海隔絕張士誠據吳乃濬其東道以通海運不數十年而港身淤阻夏海諸公相繼挑治閘皆三十六丈入本朝三次興挑始猶十六丈後為十二丈港身愈窄其塞愈速而其若果為向來通海之道豈有放濬旋淤若是其不可治者哉蓋白茆本受震澤之水旁流諸邑源遠流長為利最溥自與海通海近湖遠則海強湖弱湖水為潮所抑不能引其清流以刷海沙而強潮日進淤沙日積白茆之不能不塞者通海故也沿海地形高卑潮沙能入不能出早晚兩潮每潮積一簣之厚一歲積及尺餘不十年而盈丈矣今欲使內水之通暢必先使外水之不入此范文正公用湖不用江之說也前令耿如杞精習水利其於邑中諸港標小舟徧度形勢定為全書其論白茆之不可通海甚詳且備後人不考耿氏之書沿襲洩湖入海之說反以不通海口為創論不知昔人已思之熟計之周也其法當於港口築長堰以拒潮南北支港悉令包於堰內然後盡力挑濬以復十六丈之舊規枝幹相承深廣如式使西南諸湖之水並趨

文匯容納有地旁洩有方不致漫入低田設遇大潦湖水暴漲諸支港不能一時宣洩則開堰瀉之俟其稍平仍復封閉庶淤沙無自而入內水可以流通此經久之長策也更有當為預策者大潦開堰之時水勢方漲湖海陡接激衝之下恐致潰決當於堰外里許建閘一座閘設兩重厚板開堰放水俾由閘門而出水平潮退下板截之堰外之閘既可拒強潮閘內之堰自得從容整頓無倉卒潰決之患此宋趙霖建閘利於近外之說也說者又謂江湖河海天地之血脈震澤諸湖之水併注下流今築堰截之譬之人身血脈不通必致疾疢非古人決之使流之意竊謂人生竅竅既有定位即有常職無故於耳目口鼻之外另生一竅則人受其患矣湖水西來其流甚緩又遠有吳淞江劉家河近有徐六涇福山港諸口洩之無患血脈之閉也今必欲釋其疑或於堰內別開引河屈曲其勢以通於海每歲挑濬毋使淤滯亦說之可通者爾

陳司業全集序

道之顯者謂之文道不足而以文自標於是乎襲史漢貌唐宋獵取膚末以自欺而欺人皆無預於文之數者也昔歸熙甫當王季盛時獨抱遺經於荒江老屋之間而後學宗之如昌黎廬陵無他道存焉耳見道明則無游辭信道篤則無飾說不得已

而後言。故言不可廢。不得已而後辨。故辨不可勝。有道德而能文章。照爾而後非先生其誰屬。先生前易著數日。郵書示鎮。兢兢於說經之難。述作之不可苟。國及生。早所著。若經咫。若掌錄。若詩若文。皆手自刪治。錄有成本。他日或付諸槧。戒勿失其矜慎持擇之意。其重自顧。藉亦愛道而堅護之也。今先生之長君。蒼纒粹諸種。都為一帙。謹承定本刊布。以鎮辱契最深。謂當有言以誌其後。自惟學術無陋。愧負師門。而先生著述之大旨。要於見道明而信道篤。則鎮夙昔所服膺。而自謂無失言者也。經咫掌錄。諸先生言之備矣。不復論。論其文之繼熙甫而起者。實有道趣以流溢其間。而非世所尚之徒文也。後之讀先生集者。能潛心涵泳焉。其亦可以因文見道也夫。

書邢貞女傳後

婁東呂愚畦。為邢貞女立傳。取例於故明革命時。布衣傭工之人。蹈水投繯。以成其志者。亮哉。呂子之善持論也。世儒都以未婚守志為非禮。震川歸氏作論。引曾子問。婿之父母死一節。以證其失。蓋歸氏承孔疏之謬。以免喪弗娶為別娶。以弗娶嫁之為改嫁。遂使夫婦大倫。幾成市道。聖人制禮之意。殆不然也。夫婚禮自問名納采。以至請期告吉。皆父母之命也。父母歿而盡廢其成命。有是理乎。曾子問之言。特告吉而遭喪者之變禮。所謂免喪弗娶者。即不忍即吉之義。所謂弗娶而後嫁之者。蓋

免喪時弗娶。遲久而後嫁之也。經義宏深。非淺學所能測識。要於別娶改嫁之云。斷知其不然者。歸氏據以律守志之女。非其義矣。夫王燭不仕齊而死。齊謂之忠臣。龔勝不仕漢而死。漢謂之義士。以草莽未仕之臣。而能盡臣道。古之人尚猶趨之。況明明納其聘幣。而以身許之者哉。愚昧之說。殆無可議者。因綴數語於後。以破世儒之拘牽。使褚淵馮道輩。不得有所託以自詭焉。

遊玉淵潭三峽澗抵棲賢寺記

匡廬之奇。以泉。泉之奇。以青玉峽瀑布。次則玉淵潭。三峽澗。余以乙酉閏二月八日。至白鹿洞。即奮欲往觀。被掣不得去。越日雨霽。逾月不休。宿疾復張。不任勞勩。夏四月。始開霽。病亦解。因約建昌學博徐君廷楨。以十四日。由棲賢抵秀峯。為竟日遊。覓筍與不得。坐兜子西嚮。循卓爾山南麓。麓下削。看者側足行一里所。五老迎面出。少北上坡陀。道縈紆。芒草割面。攝柱盤辟。下坡西南行。稍稍見室廬。中多水田。田膝斜。交作水紋。方插秧。秧馬錯膝間。膝仄滑。曳踵不得快意。久之。出五老右。又三里。至馬頭。溪陽峯在焉。七尖露一角。復北行。轉西三里。至棲賢橋。下兜行。未至橋數武。有泉涓涓。自石罅出。下注小渦。如盆盎。旁鐫天下第六泉五字。曹秀先書。即陸羽所品泉也。其水亦注三峽橋。梁山石為之。平曠可周覽。俯視澗底。亡慮百千尺。溪水宮焉。俗

謂之龍潭。志稱玉淵金井者是。兩崖蒼壁陡絕直下。其上遊多龜石。或臥或立。雜出其腹。一水從西來。蕩湔峽中。與石為鬪。跳波震響。沸耳眩目。煙霏雪翻。寒入山骨。下流一鉅石。鶴三峽澗三大字。遠不辨。歛橋西有觀音庵。卽唐飛來亭。轉北巖間有朱子遺刻。紀年為淳熙己亥。刻稱三峽門。謂是橋也。又半里所有嘉定年紀。遊刻與學博別辭。諦視不能得主名。回顧肩夫。杳不知所之。迺逆遞傍巖峯。峽漸寬。水瀾漫石際。淙淙韻金玉。少西入松裡可里所。四山忽開。怒響復發。有白石大數畝。橫亘峽底。斗疊如戶闔。奔湍下注。其氣方悍。為石所阻。激而騰躍。懸流飛射。歛薄成霧。漚為深淵。潭作紺色。遙睇石上有玉淵二大字。乃知是玉淵潭。李洞謂若有龍居。嶽靈出入左右。不余欺也。徘徊顧攬。不忍舍去。棲賢僧有來迎者。言是潭通海。數年前有海船敗。板出潭底。誕不足信。復尋松徑行半里至寺。主僧為開朗。頗通世法。指寺後山為石人峯。少東為紫霄。西南為太乙。皆信。問卧龍庵。劉西澗祠。則不省。石人峯頂有圓石欲墜者。為繡球峯。亦未識也。已而出水。麪餉客。復引至後樓。出示許虎臣所畫五百阿羅漢像。日已下暮。不盡攬。亦不及至秀峯。遂歸。取道太乙峯。南過淨成精舍。登雙鏡樓。眺覽鄱湖。湖光與夕陽相射。如天際落霞。其南為百花園。相傳李渤藝花。處望之平行無奇特。聞山中有虎。不果往。

遊秀峯寺青玉峽觀瀑布記

十五日晨起。同徐君率諸生行釋菜禮畢。隨用僎。坐兜子。循舊徑至馬頭。直西行。道水田間。耳目間曠。七尖五乳。可歷歷數行十里所。至慶雲峯下。過萬杉寺。寺舊有杉萬本。今無存者。聞寺中多古刻。亟訪之。僅槐京包帚書龍虎慶嵐四大字。謬將嵐字移置龍虎字下。其頂石損敗不足觀。遂行二里。抵秀峯寺。寺在鶴鳴峯下。居廬山絕勝處。南唐中主為世子時。以萬金買其地為書堂。僭位後。改建僧舍。名開先。康熙中。

御書秀峯寺三大字。額其門。乃易今名。門右有招隱橋。形製如三峽門。既亭尚畫。

所謂萬仞黃巖瀑。流過招隱橋者也。鶴鳴之西。為雙劍犀牛香鑪諸峯。寺中皆望見之。而犀牛即雙劍支峯。昂首上向。頭角嶄然。文殊壇在香鑪峯右。黃巖之南。隱隱如竹竿。作黃白色。其東諸峯。悉隱不見。亟問青玉峽主僧洪規。乃導余從殿右少折而南。穿竹林下。坡陀豁然天開。雙壁矗立。不見其頂。瀑源從漢陽來。

此為西漢陽非繞出馬頭所見者

雙劍東破壁腹而出。下垂如匹練。石色紺紫。逋翁謂飄白霓。挂丹梯者。彷彿象之。遇壁杓突處。怒立倒捲。力倍猛。勢倍加。跌落潭底。聲倍震。回視三峽流。又如大小巫矣。洪規言大雨後。山泉奔注。驚風掣之。騰躍蕩激。莫可名狀。今平平耳。聞之神往。曩者恨不冒雨來也。峽上鷄第一山。青玉峽六大字。米芾書。餘多宋人題名。峽之潭為龍。

池。池南有小石，窈為腰股形。上題浴仙池三字。池上為漱玉亭。亭有龍井。宋僧若愚鑿以引水。東坡詩：餘流滑無聲，快寫出玉硯，謂此也。今埋廢，乃立小石墻當之，不覺有觚哉之歎。學博方在潭際，樹小魚。余病不任久立。至方丈小憩，問寺僧書堂所在。謬舉昭明對，余為辨其非。僧亦不甚了了。堂久廢，其址建御書亭。下有小泉穴，梵為方池。尺有咫，其水正黑。邵二泉題墨池二字。巖壁有李空洞瀑布詩。少選徐君來甬，生定。家人言峯頭雲起，恐有雨，遽歸。次日乃追紀其事。

遊瞻雲寺重過秀峯棲賢記

匡廬地氣蒸溼，鱗煙絮縷，瞬息瀰漫。淫霖傾注，沙月兼旬。每三四月間，跬步不能越門畿。乙酉初夏，乘間過三峽門，抵秀峯青玉峽，歷覽諸勝，欲遂往瞻雲，訪右軍墨池。不果。越丁亥，春雨益猖，至夏仲，少衰，遂命肩輿，循西麓，冒露行。水流草間，汨汨作聲。道仄滑，不可輿。易兜子，度王陽阪，行三四里，微見日影。溪陽以南諸峯，若劍戟排立，惟紫霄、龜天表，與五老相抗。少折而北，為詹家崖、崖裂數百仞，闊數弓。亂石錯溝，膝間若施椎鑿者。村人言前八日，夜半大雨淋漓，若星漢倒塌，山石觸激，火光迸迫，若萬霆齊發，而電光作也。有物蜿蜒，隨水涌去，不能得其狀。余聞廬山多蛟，形狀倣說，或如蛇，或如蜥蜴，未成者，土人或掘而啗之。其是物歟？既至秀峯，拜佛已，亟造青玉

峽觀瀑布。布水臺以上無涓滴下注。非復嚮所見懸流歛薄者。豈是泉遠來。或有抑遏迴阻。力弱不能穿壁耶。叩之僧不省為惘然久之。出寺門。右折上招隱橋。北望鶴鳴雙劍屏。牛諸峯。朗若列眉。香鑪黃巖。參差雲影中。直西林壑深秀。實傑重複。莫得主名。遙睇碧落間。隱隱為金輪峯。瞻雲寺在其下。自招隱橋至十里許。道皆坦復。乘肩輿。抵寺。寺廣數百畝。舊名歸宗。雍正中。賜今額。世傳右軍守潯陽時。卜宅廬山。因舍為寺。故殿左奉右軍像。像設不古。類近世所為。墨池在寺東南隅。甃石為矩形。廣長皆二尋有咫。水作藍色。凡止水類然。志禪其色正黑。妄也。客齋前小池中。疊甃成臺。置二尺許。石質粗而形醜。豈慕東坡怪石。供而託之耶。可發一菜門外植荷千莖。時尚未花。而葉色可愛。復生松亦蔚茂。相傳明僧達觀所咒。而錢某達觀傳不及之。亦可疑也。玉簾泉直寺北數里。石鏡峯下。迤西五六里。為虎爪崖。其下為栗里。有陶公醉石。及歸去來館。不及往。是夕宿寺中。天氣蒸熱。晨起望嶺頭雲。如紫煙上出。僧恐有雨。輿夫促歸。遠東至萬彬小憩。出坐兜子。踰三疊澗。溜急石峭。幾覆者再。既出險。欲登白竹雙鏡樓。澗水聞怯不敢渡。乃折而北。從三峽門。徒步抵玉淵。夾道松杉蒼翠。欲滴。道石礫礫。碌碌足下。隨峽腹中。為蛟水溢瀉。疊石成阜。水鬱怒作。力愈猛。聲愈壯。飛激愈高。玉淵之勝。於是觀止。同遊者。南城陶太學嗣曾。星子汪秀才。迴

淵時在五月九十兩日。

重修衛文節公祠堂記

宋太師秦國衛文節公祠在崑山縣地區五園官給編銀奉祀歲久墜剝祀典廢不舉餘址為旁舍佔斂無以揭虔妥靈雍正初其十六世孫之居常熟苑山者曰某某算理遺構請官復其祭而故址之佔斂者卒弗克歸後四十年為乾隆丁丑其後人某某等迺陳敘顛末請於學使者下有司正定之悉反所侵地遂撤故為新築工齊事經始於乾隆癸未之冬閱三月告竣豐堂翼如遠寢有恤周垣繚之制加恢焉用鳩苑宗之預斯役者協謀播規以垂永久追遠之義於斯盛矣惟是繫羊豕有石麗陰之辭久未有作乃乞予紀實而係之以銘謹按公諱涇字清叔其先由華亭徙居崑山為崑山人高熙中賜進士第一歷仕四朝出入中外晚參大政卒為權姦所阨不得究其用寶慶二年贈太師追封秦國公賜諡文節當公為御史中丞時韓侂胄怙定策功恣睢跋扈負乘致寇公首發奸狀定計誅之事具史傳先是光廟溺於悞后失權重華骨肉之變為人臣所難言而公因震雷大雪應詔上言以為陽方升而陰制之則君欺於臣夫陵於妻有一於此皆能致亂又上殿言壽康禮曠敷陳懇等所謂大臣者以道事君公當之矣自偽學之禁嚴士夫爭諱其師經言傳說無敢涉朱

門一字者。公獨奏請召還朱子。復移文新安。刊布其所著書。公之扶持正學。以正人心。息邪說。其功豈有窮哉。宜乎有賢子孫。以昌其緒。而祠之廢。而復興。久而益大。蓋有以致之然也。初某某之求復祠址也。事有所格。抱隱恨焉。今之繼起而成其志者。則某之子某也。其合資鳩功。相與有成。則某某例得備書銘曰。

衛之南遷。實居華亭。晷及閭敏。於崑始興。洋洋石浦。公挺其靈。瓜瓞有綿。苑陽是幣。崑有公祠。替於中葉。有司上陳。俎豆斯輯。閱世既長。四字頽杳。民居午交。割為私黨。公有賢裔。在苑之陽。追遠反始。繼序不忘。鄞陽歸魯。復我許常。作廟翼翼。文構子堂。其筵肆肆。式薦爾時。以饗以侑。告孝告慈。水源木本。人孰無之。鑽石勒銘。子探其思。

陳清端公家傳

公諱瓚。姓陳氏。字文煥。一字眉川。海康人。世族單寒。祖父皆潛德弗耀。公始以進士起家。歷官都察院右僉都御史。巡撫湖南福建。追授禮部尚書。賜諡清端。詔入賢良祠。公少貧。始苦力學。年十九。補郡學生。丁內外艱。毀家庀喪葬。生計日索。饘粥時不繼。然試輒冠軍。以故從學者。踴得求脩羊。稍贏。輒分贖。親故雖日不舉火。勿恤也。迴翔諸生間久。始以年例貢成均。又四年。登賢書。明年甲戌成進士。初雷陽劫立義館。當事延公掌其教。多所成就。釋褐歸。諸生復邀公講學。其中里居五年。足跡未

嘗及公門於人世。苞苴無絲粟。每謂貪不在多。得一二非分錢。便如千百萬。後嘗舉此入對。實未仕時。律身如此。謁選得福之古田令。古田穴山而居。丁田滑錯。賦役輕重。歛民逋逃。轉徙黠悍者。或嘯聚山林。奸吏龔牙其間。狙詐喜事。挾持短長。泣斯土者。率坐累去。公襪被之官。即條具八事。請於大吏行之。而賦平役均。民以蘇息。報最調臺灣。復陳便宜十二事。以興學廣教為首務。時臺邑歸化。驍悍不馴。公任事五年。而民知禮讓。已入為刑曹郎。轉兵曹。分校禮闈。稱得士。尋奉命視四川學政。以崇德厲學為文章根本。校課之餘。留心民瘼。作金川六要論。上之行省。未及代。調巡臺廈。臺故舊治。即請革官莊。除酷吏。恤番民。鼎新學宮。建紫陽祠於側。示人以格致誠正之學。海外如那魯。時撫閩者。為僕。封張公。相倚如左右手。閩人至今樂道之。前後在臺八年。遂巡撫湖南。以監司膺節鉞。益曠典也。明年移節福建。三載報績。稱治行第一。事具史傳。卒年六十有三。雷郡東有洋田萬頃。為海康。遂溪。錯壤。隄岸一十七處。海潮沖啗。幾盡。潮水浸溢。田廬民失業。公嘗告諸當事。倡議捐修。無應者。及為閩撫。乃奏請興築焉。公自筮仕古田。至為巡撫二十年。子身於外。未嘗延致幕客。父子曠隔數千里。不能具舟車。通往來。儻從一二人。官廚惟進瓜蔬。皆人情所萬不堪者。而公恬然處之。終其身。非卓有定力者。能然歟。

聖祖嘗目為苦行老僧。又謂從古清官。未有如瓊者。亮哉。

聖主之知人也。公居家孝友。在族黨間。恂恂謹子弟率。又似絕無奇特者。其威德君子也夫。

吳禮部傳

朱辰應

公諱鑄字鼎吾秀水人崇禎十年進士除廣信推官廣信地界浙閩山谷深遠達連千餘里為逋逃藪閩中流人藝藍樹漆者主客不相安羣聚為盜四方亡命附麗之當公視事賊已蹂躪五部勢益熾莊烈皇帝勅各司會勦撫按知公才檄公監紀軍事會華亭陳子龍以紹興推官監浙兵公故與陳善因合謀直搗其巢穴斬偽大王吳救貧生擒千里眼九爪龍等先是鉛山寇警鉛山隸括州州縣官莫能誰何公奉檄攝視州事招流民撫良善而身出募鄉勇佐官兵捍禦盜魁張晉徽宵逸亟請主者率大兵殲焉及是撫按交疏敘功疏上不報公在廣信潔己愛下尤勤於吏事不敢一日自逸歲旱疏訟於神曰惟民依神惟神眷職職如酷烈浚民神其鑒諸職如訖威訖富獄貨辜功神其鑒殛職或曠官請聚艾積薪以身塞無狀民則何辜罹此灾咎其自信於明神如此十七年春有旨內名甫治裝福王監國起公吏部主事柄相馬士與使人風公曰若來何操公正色拒之授禮部祠祭明年奉使在塗陪京失守遂遁跡梅會異杜門不與人事順治三年丙戌巡撫某公以疏薦公誓死不應康熙辛酉年八十有五卒距生萬曆丁酉蓋八浹西矣子源起字準菴進士官給事康熙戊午詔開宏詞制科特疏薦當湖陸先生隴其學者稱焉

朱辰應曰。申酉之際。明運既移。人心亦去。士大夫有挈持文運。身秉國鈞者。尚不恤。故輟易轍。公奉命祭告禹陵。未渡錢塘。聞宏光王出走。踉蹌歸。設壇帷望吳門外。哭踊復命。此與公孫歸父之於魯。宣公蘇武之謁武帝。團廟何有二哉。然公抱亡國之憾。歷四十年。卒不少渝其志云。

高工部傳

公諱承垕。字寓公。一字澤外。其先河南人。遠祖諱遜。志由蕭縣徙居嘉興。明洪武初。以史事徵入翰林。為編修。累遷侍講學士。建文朝。兼太常右少卿。同方公孝孺。主己卯京闈鄉試。靖難兵入。棄官去。入永嘉山中。以死。八傳至公父屯田郎中諱道素。登萬曆己未進士。天啟初。以營繕司主事。奉教偕內臣督造桂王府。越二年。宮殿寔壞。坐法罹辟。公時為邑諸生。痛父死非罪。投牒學使者云。緹縈贖父。生有愧夫。須眉蔡定。沈河死。尚稽於旦夕。欲謝苴麻。而未忍。願依萬里。以常居。學使者憇遣之。而公母屠太宜人教之曰。孺子即念父當力建功名。庶有以補父志。必自廢者。若父已矣。公感泣。乃益折節讀書。崇禎己卯。舉於鄉。明年成進士。除知遷安縣事。一年有治聲。調知寶坻。居數月。

太宗皇帝兵踰界嶺。自黃崖口大入。邊吏望風棄城走。大兵直抵城下。鐵騎數萬。蹴

踏如震雷。邑人驚懼不知所為。公閱城中兵得千餘。率之登陴。環城徼視。指揮閒暇。如平時。人始少安。既謀知營中。方肇大礮。伏以擊城。公募死士。夜縋城出。徙其向。反擊之。師塔。

太宗昨指曰。書生乃能為此。居九日。遂引而退。時壬午歲之十有一月也。公度師雖南去。將復循故道出塞。命盡斬郊外木。環城為柵。又穿塹九重。嚴備以待。無何。師轉戰畿南山左。連破數十城。俘生口輜重而北。明年四月。復至寶坻。連營偏城。公列火器木柵中。分要迭擊。多死傷。又募死士。乘不備。夜薄其累重。奪回子女數千人。

太宗益歎。呼將疾攻。會援兵至。遂解去。是役也。公自分必死。幸獲全。不解衣二十三日。當是時。天下大亂。中原靡潰。莊烈帝峻令甲。繩守土吏。有失城者。死無赦。全城者。遷以不次。功上。人人擬公當峻。擢章下所司。王者選重賂。寢不覆奏。久之。竟以考功法。改議涇縣以去。又明年。都城失守。福邸南渡。公上書史督師可法。請如宋臣汪立信策。盡出腹內兵。緣江設守。又請聯絡兩河。躡賊關陝。願屬案鞫。為士卒先。史公壯其言。草創未暇。稍遷工部虞衡司主事。公見時事已無可為。而虞衡者。屯田公起家秩也。泫然曰。所以覲顏偷祿者。欲立尺寸之功。畢父志耳。今宴然處郎署。守先人職。如初志何。乃上書請盡削官職。以贖父罪。福藩愆其志。命所司復屯田原官。公遂

歸。俄而南都復敗。家居日鬱鬱不自得。越三載。遂以疾卒。年四十有六。初公知遷安時。漕艘凍絕。檄縣陸輓四千石。公請減半為移解。在縣興水利。開屯田。流冗歸者千七百戶。調寶坻通河漕。清隱占民大感悅。既去官。與其客飲。每酒酣。輒憤惋曰。我愧吾師。謂舒城胡守恒也。獻賊犯舒城。胡死之。公捷禮聞。胡時以編修分校寶。獲公。師生間素以節概相勵。而不及事。常以為憾焉。屯田公天才卓絕。筆墨妙天下。藏古人遺蹟自娛。公亦好聚書。多至數萬卷。寢處其中。校勘不倦。時復卒。卷掩抑曰。先人有知。魂魄猶應眷此也。

宋辰應曰。人臣事君。遭時不幸。若屯田公者可悲也。虞部以茹荼泣血之事。慷慨自奮。普灌夫痛其父孟不得於時。志欲以軍功自顯。使天下知有其父。卒破吳楚。立節公脚開。虞部之志。與夫何異哉。無賞罰不可以為國。有明之季。天下多故矣。始亦欲持三尺振積玩卒之法。不勝弊。即寶坻事觀之。其大者可知已。嗚呼。可不鑒哉。

徐氏兩烈婦傳

徐太僕公有妾曰趙氏。燕人也。以崇禎十三年。從太僕公之隨州。公命撫孀孫女申姑為女。明年四月。賊陷隨州。公與其次子肇樑死之。趙氏負申姑將出。道遇賊。與羣婦女俱被掠。驅登城。令釋所抱女。趙氏不可。賊揮刃刃申姑。趙氏哭且罵。舉手扞格。

八指俱斷。中姑墮。趙氏罵益厲。隨奮身躍下。賊俯刃不及。投以石。碎頭。顛死。越四年。順治乙酉閏六月。大兵下嘉興。肇榘妻張孺人。先絕食數日。豫為重衣複袴。宛轉縵縛。周身密縫。下屬襪履。乃投縲死。詰朝城破矣。孺人以崇禎二年歸肇榘。約束婢妾。處妯娌無間言。肇榘死。孺人歸依其父。父諱龍德。以和州通判家居。同其妻侯亦死於兵者也。初趙氏墮城下。中姑被刃未殊。吏旬旬相就死懷中。二屍膠結不解。遂併棺歛。張孺人死時。溽暑薰灼。五日含殮。面如生。

清谷子曰。徐氏一門。父死忠。子死孝。妻妾死節。嗚呼。抑何烈也。左史譏伯姬女而不婦。張孺人其婦矣哉。趙氏亦全乎婦矣。余讀徐氏家傳。並著之以廣其傳焉。

吳烈女傳

烈女吳氏。震澤人也。襁褓喪父。再期又喪母。拊於兄。兄亦死。年六歲。無所歸。所親許字李為童養媳。而其姑悍且淫。私於里中豪。稍長。女端麗。有殊質。豪見而悅之。囑姑以金。姑既暱於私。又利所有。且不欲是女之獨清也。誘之弗聽。撻之極楚毒。鄰媪憐而詢其故。終不為吐實。先是女之舅。縣隸也。恥其子之隸。託友人攜之。為商。舅死始歸。至是絕音問。已五六年。女惟與姑共晨夕。姑度女不吾從也。益思中以術。會女浴。納豪於室之幽。既入。鍵其戶。驟簿之。女驚呼。莫應。是日裁。衣未就。有鉸在案。取以

剪髮中左股。豪兩手猶抱持女身。女且拒且呼。持鉸亂割之。口裂其膚。又數處。豪不勝撓屈。乃忍痛逸去。而潛持女褻衣。颺言於外。女曰。是難以自明也。計惟死耳。姑則操巨壘。誓而前曰。汝以死懼我耶。我姑槌而視汝死。女悲痛不自勝。乃飲泣而言曰。姑欲為。任姑為之。我不為。死不為也。引鉸自割。會鄰姬至。奪其鏡。是夕易袿。獨覓自溺於門外之溪水中而死。時乾隆三十七年七月十四夜漏二刻也。及旦。姑猶未之知。汲於溪。女尸出焉。乃知其已死也。置烈日下。色不變。既飲香氣。馥馥從棺中出。遂近來觀者如堵牆。咸感歎出涕。而士子亦有奮袂欲訟於官。請諸朝。以彰其烈者。官既受豪賄。格不得舉。事乃寢。初女之激烈欲死也。旁人簇簇私語。謂不可挽。屬其姑豫為禁。乃更小緩。與鄰女伴。款曲如平時。晚吸粥一甌。旁人又簇簇私語曰。乃今可不死矣。而烈女竟死。年僅一十有六。

清谷子曰。嗚呼。若烈女者。其處境之不幸。可謂酷矣。然以髫髻之年。而能卓然自立。如此。人孰不死。孰如烈女之死之為快哉。初吳氏家門俱登鬼錄。所親擬以是女卜。去為尼。不吉。卜之李。乃吉。卒之濯淖汙泥之中。蟬蛻於濁穢。即其父母而有知。亦當稱快。

亡妻行述

妻徐氏名錦。生雍正二年甲辰五月三日。歸予之歲為乾隆十年乙丑。越辛巳九月二十六日即世。凡婦子一十七年。而春秋三十有八。妻生而聰慧。少治女紅。即能於鐙火下坐觀書史。為婦頗諳大義。來歸未期。會予女弟將出嫁。先大母焦勞。奩具。妻念大姑年老。不忍以此傷其心。請以己所有者飲之。大母喜。為一寬七箸云。明年予失館。家食而先大母即世。予方周章無所措。妻出首飾。章身之具。盡售之以供喪費。時予寢處靈右。妻獨抱兒子入席。盛夏不具幬帳。蚊蚋啗膚。兒啼不可止。妻持敗扇為驅。至困不能支。乃始一合其睫。予常館於外家。惟一被攜以去。至冬。妻攤敗絮。有覆無薦。每日之夕。伺兒女熟睡。即篝燈操作。漏三鼓。餅火燿滅。兩齒相搏。砢砢有聲。則繞室環走。令煖氣自內出。即又操作如故。既解衣。兒女體若冰結。哺以乳。輒惡嘔。以故兒女都不能長養。而妻亦以此彌年疾。縈其身。妻能為詩。中年獨好潛玩大易。嘗手書卷尾云。宇宙間吉凶消長。常相倚伏。故天需血。何莫非出地。滅項寧遠。為咎占。號碗有悔。動乃引吉。皆坎心亨。行亦有尚。是以君子順受其正。又嘗拈房壁云。人未能樂貧。且須安貧。未能安貧。且須耐貧。能耐貧。須常念死生有命。富貴在天。二語反覆思維。理不可易。今年春。精氣益耗。謂予曰。予殆不能久矣。因誦春蠶到死絲方盡。蠟炬成灰淚始乾。句。黯然而罷。秋初。幼兒又墮。河死。自是悲傷勞苦。內外交攻。

病骨不能支矣。疾篤細數家事。有條不紊。已。又竊自歎曰。造化勞我以生。逸我以死。十七年辛勤於茲已矣。予復泣謂猶有言乎。少間還語曰。君夙以古文自許。能為我識數語。幸毋致飾言已。飲余而逝。嗚呼。妻之死。蓋不死於病而死於貧。且不死於貧而實死於顛頓拂鬱。有不忍言者。悲夫。悲夫。徐氏世為嘉禾右族。予嘗文其曾王考。李靖先生墓。所謂忠孝文章。卒於是。父是子者也。王考安吉州學正。諱天秩。考秀水儒學生。諱秀。妣朱頌人。於予為族姑。生母姜氏。妻產四男。今惟休成獨存。聘同里賀舍人諱光烈女孫。遺有紅餘小草一卷。其家庭瑣行亦多可述。略而弗載云。

二研齋遺集序

平聖臺

吾反諸桐嶼下世十八年矣。其子開泉秀才。哀其所存。應制與唱酬之詩。乞予序而梓之。予讀之不覺淚沔沔下也。桐嶼以不羈之才。弱冠走京師。屢屈場屋。及振甲科。入中祕。主試山左。分校禮闈。大考京察。皆優等。一時蔚然名聞天下。

天子以其久值軍機。有幹濟才。敕守辰州。君亦願竭心膂。以圖報稱。乃抵任甫一年。輒以抨去。傾貲了官逋。僚佐無聊。卒於鄂渚。士友聞之。莫不流涕。其生平著述。高文典冊。百不存一。開泉以牝角孤童。與其母夫人處海濱窮僻之鄉。晨編夜績。性命相依。僅收其旅裝遺稿。思公諸大雅之林。以續其一生之慧命。嗚呼。亦可悲矣。予亦丁卯入都。就試北雍。始與桐嶼及毛靜樞訂交。久客居貧。連臂入山者五六年。敝裘糲食。不以為苦。每一詩文出。互相激賞。歌呼達旦。意氣之豪。俱不可一世。甲戌春。予預館選。桐嶼亦以持試第一人。補內閣中書。而靜樞被黜杜門。痛深鍛羽。比予中隨選。調轉徙江廣。靜樞起用洛陽令。不數年謝世。獨喜桐嶼官職聲名。後來居上。意謂吾三人中。秀而實者。惟君可必矣。而亦遽止於此。人世間。竟枯榮倅。顛倒於雷光石火之中。曾不可以一瞬。而猶斷斷計較於一篇之去留。一字之工拙。以付諸不知誰何之人。不亦可以已乎。桐嶼詩文。俱私淑於蘇文忠。其在軍機受命屬草。千言立就。

為諸鉅公作碑版記序甚多。既成趣焚其稿。此二編者。非其傑作。亦足見所得之不
小矣。靜樞長桐嶼一年。予小桐嶼二年。靜樞鄉會程墨。膾炙人口。迄今不存一字。予
雜著差多。亦漫不收檢。不足以遮人眼。聞泉能為此刻。以傳其父之詩。桐嶼可謂有
子矣。苦雨寒燈。菴居蕭瑟。予以後死而得序君生平。君於夜臺。不廢聞見。悲喜當何
如耶。

川主廟記

吳大勳

神也何以謂之主。主也何以屬之。川必其神有禦災捍患之功。教養生成之德。普被乎全川之境。垂之百世而無窮。非一手一足之烈。所可同日而語者也。川中人食其德。享其功。以為世生民之所利賴。遂翕然奉之為主焉。如滇南有土主廟。相傳為觀自在。憫夷人不知耕作。變相示教。滇人感有功德在土。尊為土主。是也。予承乏酉陽。下車之日。吏人以謁川主廟告。詢之則稱神楊姓。古之治水有功者。予疑之。蓋川中治水之功。莫大於秦時蜀郡守李公。築隄灌邑。利濟農田。遂成千里沃野。後世做倣其法。通省皆收堰隄之益。樂利無疆焉。宜其廟食百世。遍及州郡。而未聞有楊姓者。可以為一川之主也。時甫莅任。百度未舉。且州中未有志乘。無從質辨也。明年始和之吉。遍謁羣祀。至川主廟。展禮畢。周視棟楹。得前任邵公題額云。壅江水以築隄。穿郫流以通楫。又云。在秦世已著績於旂常。至我朝。益重光於竹帛。雖未明言神之姓氏。而川主之為李而非楊。已決然無疑矣。且夫食其德。享其功者。雖婦人孺子。皆當識其姓氏。知其功烈。而後趨走拜跪。精意相屬。今乃恢宏其廟。馳崇奉其靈。豈而神之姓氏功烈。不獲家喻而戶曉。則神與人不能以精意相屬。而欲其福佑斯民。不亦誣乎。予故揭明川主之神為李氏。以為州人告。使銘德報功之志。毋或爽也。夫以

予臆揣之見。而喜仰公之先得吾心也。予幸以不謀。不可不有以誌之。俾他日作志者有所據依焉。爾若夫川主之神。其禦災捍患之功。教養生成之德。已略具邵公題額中。茲不復贅云。

編審論

盛百二

編審者治道之根本也。蓋積州縣而成天下。積鄉里而為州縣。積戶口而成鄉里。故戶口清而鄉里治。鄉里治而州縣治。州縣治而天下亦治矣。周禮鄉遂之法。始於比鄰。詳稽其夫家之衆寡貴賤。老幼廢疾。六畜車輦田野。以施政教。以行徵令。以辨施舍。以起徒役。而奇衰奸宄亦無所容。此歷代以來不易之法也。明洪武十四年。令天下編黃冊。在城曰坊。近城曰廂。鄉都曰里。共編為冊。冊首為一圖。里有一百十戶。以十戶為長。餘百戶為十甲。里長甲首董一里一甲之事。鰥寡孤獨不任役者。附十甲後。為奇零。其冊凡十年一更定。此即今編審之制也。明初但有夏稅小麥。秋稅粟米。及絲綿之征。百姓皆聽役於官。十六成丁而役。六十而免。無所云丁銀也。自後乃有銀力二差。力差者。差役也。銀差者。雇役也。又其後雖有二差之名。亦皆一例徵銀而已。於是胥吏上下其手。隱匿脫漏。百弊叢生。又丁銀之增損。關於考課。故丁口有增無減。所謂溝中之瘠。猶為籍上之丁。黃口小兒。已入追呼之冊。此仁人君子所以歎息也。自我朝康熙五十二年。滋生人丁永不加賦。至雍正四年。又行丁歸地畝之法。百姓優遊於耕鑿之中。有司無考課之累。從容而賦。論絲。良法美意。三代以來未有也。然因此有司遂視編審為具文。惟胥吏自任。以至戶口不清。而貧富不辨。貧

者有貧之實。而無貧之名。富者無富之名。而有富之實。又飛瀆詭寄。遂有無田之稅。無稅之田矣。且雇役惟可行於平日。如非時力役。河防土工之類。其勢有不得不出於差者。於是徭役有不均之歎。况編審時。吏胥按戶索其飲食簡畢之費。百姓又恐差徭之及身也。於是并戶減口。專為一切徼倖。平時按籍而稽。不見其多。不幸天災流行。朝廷大有恩卹。計口給發。其數又驟增。於是編審賑卹二冊。自相矛盾。雖有才能。亦無所措其手足。始悔平時之失計。亦已晚矣。况欲求賦役均平。奸宄屏息。安可得哉。論者不察。竟以編審為不足憑。而無益於治道。益惑矣。

書握奇經後

握奇經云。天地風雲。龍虎鳥蛇。四為正。四為奇。餘奇為握奇。此十九字相傳以為本於風后其法為六十四陣。中十六陣。四方各八陣。四隅各四陣。居中者握奇也。四方。東為龍。西為虎。南為鳥。北為蛇。即曲禮左青龍。右白虎。前朱雀。後玄武也。西北為乾。天也。西南為坤。地也。東南為巽。巽也。東北為震。艮也。山出雲也。八宮所以定位。李衛公云。天地風雲。本乎旂幟。龍虎鳥蛇。本乎隊伍。無他義也。四方為正。四隅為奇。或易之。蓋奇正無定形。無不可也。居中之兵倍四方。四方之兵倍四隅。所以居重馭輕。此八陣之體也。又法地軸十二陣。居中。天衡十六陣。重列居兩端。天前後。踵八陣。前四居右。後四居左。

地前後輻十二陣。前六陣居地軸前。後六陣居地軸後。風雲各四陣。居四隅。天地之前種為虎翼。風從虎為蛇蟠。後輻為飛龍。雲從龍為鳥翔。地軸取其鎮靜。天衝取其運動。輻者以陷敵決勝。風從天雲從地。取其不測。蛇取其圍繞。鳥取其突擊。此八陣之用。再分之則天地風雲為體。龍虎鳥蛇為用。天風虎蛇為陽陣。三十二。地雲龍鳥為陰陣。三十二。又有遊軍二十四陣。如偃月形者。居於後焉。不在八陣之內。與前所稱之八陣。名同而取義則別。此武侯所傳。然漢常以立秋日。肄孫吳六十四陣。是古有之。非武侯創為矣。至有所為變八陣。緯八陣。又後人增衍之者也。其大要則所謂致人而不致於人。先為不可勝。以待敵之可勝。欲簡不欲繁。欲易不欲難。不虛內以役外。不重本以輕末。居者常半。更番休息。四頭八尾。觸處為首。隊間容隊。陣間容陣。人間容人。而遊軍尤為至重。故皆矯健不羈之士。所立為非常之功。御之亦宜以非常之恩。皆昔人之精言要道也。徵之於傳。邲之戰。士季帥七覆於敵前。故上軍不敗。不虛內之意也。鄆葛之戰。先偏衛也。後伍輻也。城濮之戰。胥臣蒙馬以虎皮。先犯陳蔡。鳥陣之類也。狐毛狐偃以上軍夾攻子西。蛇之類也。樂枝曳柴而偽遁。原軫卻添以公族橫擊之。風雲之類也。要之奇正而已。奇正相生。循環無端。孫子九地篇云。善用兵者如率然。率然者。常山之蛇也。擊首則尾至。擊尾則首至。擊中則首尾皆至。極

溫觀武侯夔州八陣曰。此常山蛇勢也。一言而盡其妙矣。或者以常山為直陣。握奇為方陣。譏溫為妄談。真不知而妄譏。轍宋王德用帥真定。帝遣使問邊事。對曰。當時賜諸將陣圖。人皆守死法。緩急不相應。以至於敗。願不以賜人。是則然矣。然此乃用圖之罪。而非圖之罪也。神明變化。原不滯於規矩。而由規矩以生。猶之有一定之八風。而後無定之風。可得而驗。周髀之言勾股也。曰。勾三股四弦五。有人執此法以勾必三。股必四。弦必五。施之算術。一步不能行。而因咎周髀之誤。豈不冤哉。杜氏通典言兵詳矣。初不及握奇。且曰。龍虎鳥蛇。徒有其說。只恐難教。然八陣之法。部分奇正而已。杜氏乃証之以實事。是善體握奇者。杜氏也。其曰難教。蓋為後人之變八陣及緯八陣。支離煩碎。與簡易之旨相反者言之耳。李靖之六花十二陣。杜氏詳載之。非出於八陣而何。若夫八門九宮三奇。此聖人所以神道設教。漢藝文志。兵法四種。本有陰陽家假鬼神以為用者。然而天時不如地利。地利不如人和。不明握奇。人事已失矣。何暇及他。世人專以八門九宮三奇言握奇。此其愈神而愈晦也夫。

左都督藍公家傳

公諱理。字義甫。號義山。漳浦人。藍氏於南宋自青州遷閩。族二萬人。多將材。公幼膺力過人。讀書一過不忘。弱冠能詩文。而不得志於有司。是時鄭氏負隅臺灣。靖南王跋

扈之形已露。公知閩難正未已，乃改習韜略。康熙十三年十月，耿精忠反，康熙親王統大帥臨閩。公時年二十八，杖策聞道謁軍門。陳平賊機宜，王署為前鋒，破僂雷關。屢戰有功。十五年，提督段公某薦授松溪游擊。時海寇猖獗，公勦撫有方，百姓安堵。擢灌口參將。一如在松溪時。鄉人父老為立生祠。上官遇使，誅求不遂，誣以虛冒兵糧罷職。二十二年，靖海將軍施公琅征臺灣，奏公嫻方略，且習海道，檄署水師提標右營游擊。六月，領前鋒駕哨船登銅山，賊哨屯花嶼苗嶼。公出不意，自以輕舟薄之子母礮連環迭擊，沈其數舟。賊退守澎湖。公即安撫島民。越一日始進兵。賊將曾遂沈誠率眾五萬來迎。公指揮將士出入賊舟，殺傷無算。用火攻沈其舟十餘，賊已敗散。而南潮適至，舟為潮所激，迫近賊城。賊復合，以子鉤我舟，不得行。火礮火箭，彼此互攻。賊有名飛天鼠者，啣刀緣檣而上，手捫我舟帆索，一躍而下。公弟瑤應手斬之。公手殺八十餘人，身破十餘創。正酣戰時，忽飛礮摩公腹，虜出暈絕。瑤從後抱持公裏創，稍頃即甦。復帶劍奮臂大呼，曾遂名直搗中堅。賊稍卻。大軍繼至，前後夾擊。殺沈誠等大小頭目七十餘。其眾死者二千餘人。旋取虎井桶及盤嶼。翼日官軍分道而進。與靖海將軍直趨娘媽宮。賊迎戰，自辰至酉，焚沈賊舟無算。又以計攻其礮船鳥船共二十一艘。舟中貯火藥皆自爛。殺偽將軍曾遂等四十七人。偽監督以下三百

餘人無名者萬二千人。海水為沸，賊從吼門遁去。降偽將軍楊德等一百六十五人。及其眾五千。遂克澎湖。公請將軍駐師三日。察夷傷檢兵器。然後揚帆抵鹿耳門。時提督吳公恭為賊所困。公率親丁衝陣。自午至酉不解。遂飛盾躍過偽中軍舟。連斬巨魁十餘。及正副水手六人。復躍而還。賊氣奪。又鑿沈其巨艦二。圍遂解。乃引軍入洪宅安平。蓋澎湖鹿耳門重險也。一險失而賊無藩籬之固矣。七月十五日。鄭克塽遣偽官馮錫圭曾瑩朱紹照詣軍門納款。臺灣平。靖海將軍以公襄創血戰首功。上廷議。藍某革職參將。依有名外委官例。加十九等。拔左都督。記餘功二次。有旨藍某首宜先用。公以二親年高。乞終養。明年丁外艱。二十七年起復。於趙北口召見。行在。問澎湖血戰之狀。

聖祖仁皇帝令解衣驗礮痕。吏部以公原革職案。僅授神木副將。特旨賜白金三百兩。掛鎮朔將軍印。未至。擢宣化鎮總兵。三十一年。調浙江定海鎮。定海者舊之舟山也。負山帶海。時新立縣治。屯重兵。公通商惠民。地闢貨聚。居然一都會矣。嘗四攝甯波提督事。在浙東凡十年。調天津鎮。召募丁夫開稻田數千畝。歲獲萬餘石。充軍需營田。奏上之。

聖祖不詔。賜名藍田。著為世業。權福建陸路提督。至則浚漳州城壕。除奸劔。惡舉。

賢任能。令行禁止。而勢豪巨室。多不便。賂兩院吏胥萬金。造飛語中傷公。而封疆大吏。因舊嫌轉以捕盜不力上奏。吏議欲付刑部治罪。

聖祖僅與飛職而已。俄飛語上聞。令對簿。當是時。文致羅織。公不能辨。亦不欲辨。幾蹈不測而

聖祖終念澎湖之功。又從寬典。編入旗籍。五十二年。大軍征澤旺。將軍富能出西路。大喪軍實。公率子圖英國庭。圖定國柱。自備資斧。從將軍真穆賽出東路。駐二十五臺。當師之初出也。

上諭穆賽云。藍某諳練行間。汝宜親信。大有裨益。至是

上又云。藍某用兵合機宜。久已知之。今駐二十五臺。正合朕意。五十七年。以疾徵還。未至。卒於天津藍田莊。

聖祖命公妻子以喪歸。漳浦除其旗籍。有公案未完者。一切免議。猶以澎湖血戰功也。嘗論自古名將多不善終。而公又猷讎不合於眾。

聖祖嘗云。藍某率真。又嘗賜御書勇壯簡易四字。公之生平盡之矣。公固以澎湖之戰知名。而開營田以足軍食。有營平武鄉之屬。豈僅新將舉旗以勇冠三軍而已哉。雖遭物議。蒙

聖明照察。始終矜全。亦亘古所未有。當四十二年。扈從

行在。賜所射鹿。令弟荆門總兵瑤馳歸祭社。敕建生祠。其提督福建也。特恩

封贈三代。皆榮祿大夫。一品功加左都督。曾祖妣以下。皆一品夫人。並屬異數。其他

宸翰累獲。費與優渥。列於行狀者。未暇悉數焉。百二久耳。公名。不得其實。適文

孫田璧相遇。任城。出公狀以家傳為屬。乃依狀敘次其略云。

鄭先生傳

鄭先生元慶。字子餘。一字芷畦。其先自江右徙湖州之歸安。明神宗時有明進者。為
南京刑科給事中。頗著直聲。先生幼從其從父松陽司訓駿孫學。司訓即給諫之孫
殫精根柢。尤邃於易禮。先生自幼即傳其業。并通史傳及金石文字。覃思著述。期有
用於世。毛西河朱竹垞胡東樵張樸村諸名人。並折行輩與之交。家貧母老。康熙庚
午秋試報罷。出遊四方。混跡幕府。間一歸省。丁丑黃岡張公希良。視學兩浙。先生兩
試皆超等。食餼府學。後以次貢入國子監。竟抱志以終。儀封張清恪欲薦之。不果。雍
正十三年。詔開大科。

今上御極之四年。開三禮館。臨川李穆堂侍郎輒歎曰。如鄭芷畦之博物通經。庶幾
可應茲選。惜死矣。其著述甚富。曰廿一史約編者。乃最少之作。後深悔之。曰禮記集

說參同八十卷。曰湖錄一百二十卷。曰石柱記箋釋五卷。曰行水金鑑一百七十五卷。海運議一卷。其未詳卷者。曰周禮集說詩序傳同異。家禮經典參同。官禮經典參同。喪服古今異同考。春王正月考。湖州重賦考。又有小谷口蒼墓。今水學。兩河薛鏡。七省漕程。附見行水金鑑中。其湖錄即湖州府志。訂補舊志缺失。參之廿一史。又採取徐獻忠吳興掌故。董斯張吳興備志。張睿卿荅記。宋雷西吳里語。王道隆孤城文獻。諸家之書甚博。復挾筆硯。偏遊七屬。訪其故家譜系。老成之士。駁難辨正。以膏火舟楫之費。耗其產。不顧也。起丁丑訖甲申。八年而始定。後六易其稿。生平精力。殫於是書。潘稼堂諸公。無不服其精博。厯遇三賢守。屢為開錢。輒以事阻。先生歎曰。豈吾郡文獻終當湮沒耶。於是更名湖錄。不輕示人。沒後。其本楊秀才宗嶽張秀才輅。各得其半。不能合也。乾隆初。胡太守承謀修府志。大半本之金鑑。代傅樸庵副使作集。古今之大成。自禹貢及諸經之注傳。列史之河渠溝洫。山經地志。稗官小說。無不採摭而條貫之。四瀆大川之外。如金沙瀾滄之荒遠。展卷按之。皆如指掌。而厯代稟憲疏論之方。名臣儒者之奏議論說。及河防一覽。問水集。暨國朝新文。曩文。端清恪兩張公諸書。悉囊括備載。凡宣力河隄者。至今奉為圭臬。而罕知其出於先生也。先生自名所居之地。曰小谷口。其著書之室。曰魚計亭。亭前種花壘石。後有方池。一

洪大旱不涸。朋友過從。徵文考獻。與人應會。終日忘罷。其生卒年月不可考。雍正己酉九月。先生追作西河竹垞合像記。蓋康熙壬午從遊兩公於西湖昭慶寺中事。自云不能握筆。令其子代錄。蓋時已病風矣。子惟翰惟孝。早卒。寡息弱孫。伶仃孤苦。及葬。族孫振銓乞全吉士祖望志其窆石。而生卒仍未之詳。其書單行著名者。惟石柱記箋釋而已。經學諸種。大都散佚。全吉士云。禮記輯註。續衛正叔之作也。四體參同。纂揚信齋之緒也。而西河讀其家禮參同。至歎為蓋代一人云。

國朝文匯乙集目錄

卷二十七

陰承方

字靜夫號克齋福建甯化人歲貢生有陰靜夫遺文

張漱亭詩集序

黃

璋字雅珪號華陵浙江餘姚人字義元孫乾隆丙子舉人官江蘇溧陽知縣有大行山房集

遊勝歸山寺記

文海樓記

洪煒周果傳

許四先生傳

吳成佐

字哲皇號淵庵江蘇吳縣人有經史論存

祭始祖說

武王封武庚論

樂毅論

楚義帝論

三國論

國朝文匯

卷二十七

目錄

一

乙集

國朝文匯上中

宋文帝論

八

書侯朝宗太子丹論後

九

康基田

號茂園山西興縣人乾隆丁丑進士官至河道總督

重脩唐宋忠良祠記

十

重脩周文襄夏忠靖二公祠記

十

韓夢周

字公履號理堂山東濰縣人乾隆丁丑進士官來安縣知縣有理堂文集

為人後論上

十二

為人後論下

十二

种放論

十三

書寇萊公傳後

十三

復魯絜非書

十四

三錄叙

十五

贈同年李雨亭序

十五

遊鮑烈女祠記

十六

飼鶴軒記

十六

新設恤孤院碑記

十六

吏部考功司主事閻君墓誌銘

十七

楊君稼軒墓誌銘

十八

法迂齋先生墓誌銘

十八

鮑倚雲

字振省安徽歙縣人諸生

翟清閣先生詩集序

二十

翟草田先生家傳

二十

文氏貞烈傳

二十一

國朝文匯乙集卷二十七

張漱亭詩集序

陰承方

予少為制舉文。常喜自負。聞漱亭能詩。有狂名。而未之見。讀其試諸生高等文。輒心折焉。後試於府。探同輩寓。見一人年可三十餘。方與眾談詩。旁若無人。脫余不為禮。予意不能平。聽其言。則揄揚溫李之美。盛舉百家。貫其本。某本佛。佐以古今詩話。滾滾不休。於是譁其該洽。不敢闌也。既退。同輩縮頰曰。此真狂士。詢之。乃知為漱亭。嗟乎。予耳其詩名久矣。至是始識面。而漱亭固不予識也。及予餽於庠。與漱亭儕。每相見一揖之外。無他。蓋其狂未嘗少貶。視子仍若無人也。漱亭後充貢。益相潤。歲庚午。因遇周君芴廷。見予文。稱不措口。翼日遂與周君過予。若平生歡。授以其詩曰。吾文視子文不足存矣。詩欲得子文序之。嗟乎。予故心折漱亭者。漱亭何遽心折於予。若此。然則漱亭固非狂也。向特未得當意者耳。稍當其意。則破崖岸。傾腎腸。如轉圜然。於予且然。使有倍旋什伯於予者。其心折又將何如哉。今讀其詩。大較出於李義山。溫飛卿二家。而佐以李長吉。其取材之富。屬思之深。非積數十年功不能造。予所目近代詩罕其匹者。益信向者之談。非苟為大言。其終自負以得狂名。宜也。漱亭文清雋可喜。駢體尤有流逸之致。自以非得意作。不欲出。錄詩凡若干卷。先以問世。漱亭

今年才五十。卷不釋手。經傳子史之英華。及思有所得。輒劄記之。他日深有所得於史論。次古今。卓然成一家言。以與詩並傳。更喜而自負。得毋視予仍若無人矣乎。書之以為俊驗。

遊勝歸山寺記

黃璋

余家治西北隔半里為武勝門沿江行連綿阡陌交錯不辨人家短羅參差竹木掩映如畫左崖豐山狀若列屏巖高爭巖逶迤而東為勝歸山俗傳晉鎮北將軍劉牢之破孫恩歸而屯兵於此故名山有廟其神將軍也廟後即寺未至寺半里許兩岸松柏成林有大數圍者有僅拱把者有仆而偃者有斜而交者有枝葉盡枯而禿立若人者如戟排如隊列當日出時光不漏地遊客至者必於此憩焉寺旁有田數頃四圍繚繞背山有地方廣數百步以備旱潦池塘種柳數十株春夏之交烟雨霏微垂條萬縷可愛池上有灣斜連山麓土壤沮洳草為溝溝甚狹頃步可越水聲淙淙合流屈曲而注於池寺中惟板屋木器無丹雘塗墍之飾然廊廡構榭稅節皆構新材無朽壞蠹折者西偏小樓三間倚山而成開牕四望斯山之崖巖垠環迴環呀豁含溪隍谷巉漠鬱鬱皆若列於一几之上洵足以暢人心目而滌人塵煩者已子嘗館斯樓二年後每思之不置今重來於此故喜而記之是歲閏達闌茂余月也

文海樓記

樓以文海名志喜也喜楚弓之重得而延津之復合以示毋忘也先遺獻公平生著述甚富篤老支牀屹屹不輟初即家所藏明集選為文案後親到玉峰徐氏傳是樓

借所藏明集復得三百餘家。手定甲乙。命胥吏抄錄以歸。而為文海。共得四百八十卷。徐果亭先生云。黃先生適生於明之叔季。入本朝五十餘年。考終上壽。故得盡見有明之諸集。而蘊隱黎邈。空山窮老。殆天故以是懽憚先生。以結果有明一代文章之局。知言哉。竹浦舊里。洵經水火。遺書盡歸慈水鄭氏。文海底本與焉。某弱冠即知有此書。力不能購。乾隆戊午己未間。邑令趙公預。向從祖天英。往慈水借鈔。未及足本而止。甬上全謝山庶常。為維揚馬氏小玲瓏山館。將鄭氏所存底本。盡攜以去。鄭氏姑置不索。壬辰之歲。

天子有徵求遺書之詔。浙之大吏。自中丞監司以下。無不急明文海者。採訪四出。或云海昌陳氏有副本。是時某忝與局員之末。奉檄以往。卒無有也。旋聞江省鹽臣購獲以進。未知即為馬氏小玲瓏山館本否。余自去夏歸田後。料理遺書。取閱文彙。授讀。以未覩全帙為憾。適同里詞部戴青翁君假歸。謂余諸暨郭君春林。於維揚市肆得之。余為之狂喜。用白鑑四十鏡以售。翁君慙郭君。郭君亦不吝。以仍歸而當後人為然約。二君皆好古士也。余因於居之西偏。架樓數楹。藏弄。顏之曰文海樓。嗟乎。百年以來。東浙藏書。首推余家。中間聚散迭更。震川所謂有卿雲護之者。殆不可信。今余髮垂垂白矣。此書部帙重大。固不能刻。亦未必能讀。第一生嗜書。如飢渴之於

飲食有不能自解者。而况於先人之手澤乎。有不美斯愛愛斯傳者乎。是用誌斯樓。以示我子孫。世世不忘也。

洪焯周象傳

余少時志趣與人異。一切酒食遊戲間。卷相傲逐之事。匪必屏之勿御。偶或涉與。不侍久而厭去也。於是同時常目為迂。而中有志趣相得者。曰洪焯。字霞城。丰神玉立。不與世媿阿。孤行其意。家龍泉之麓。斗室南牖。而龍山之烟雲變滅。朝夕爭獻於几案間。余兩人相對譚藝。甚樂也。焯至性過人。父丞准之山陽。母朱孺人。焯歲時省覲無缺。煦煦若嬰孩之嬉於側。仲兄替於目。焯扶持常不離。憶戊辰。予同試越城。有傳言仲兄病者。即命舟而返。距試期才一二月而已不及。時焯年幾壯。終不得一補。博士弟子員。自是亦棄舉子業。體素羸。尚意岐伯倉公鬼臾區言為疾醫。人無賢愚貧富。應所請而不計其售。門遂如市。吾姚陳古民。謝雪瀛。志行士也。以詩學倡於海濱。焯悅之。而與之遊。因事吟咏。不若醫之工。而兩公者亦與之暱。己卯。予客長安。心動不已。涼秋亟返。以迫近辰歲春闈。公車有北上者。而予復南。人共訝之。抵家則吾父且病。病漸亟。招焯視焉。至十月。遂不可為。不孝方心肝摧絕。博博在喪次。而焯遽出。問至。以不孝之頑鈍無似。得視含斂。雖未能稍盡萬一。不可謂非吾父一生厚德。有

以默牖而陰率之。而璋方壯盛。遠馬溢。亦吾兩人意氣相感。召得與之一水訣。嗚呼。可痛也已。曰。周東。字西園。邑之水閩人。十餘歲時。從塾師還。竊取五代史觀之。頗能識其崖略。攻舉子業。習天崇家言。會稽徐墨汀。天台齊次風。交口延譽。學使者屢試高等。然終不得一舉。東自歎曰。豈操術之未工耶。出而交遊吳越高材生。其所蘊蓄。皆出東下。乙酉。學使錢公。將選充入都。已為掇足者所得。擬作優貢。而東已疾作且死。錢公歎曰。有才而不永年。生之命也。舉才而不先。使者之過也。東短小精悍。矜記絕人。居家孝友。愉愉無間言。余之初識東。適讀書邑之龍山文昌閣。時予在東房。東西廂。間叩予所作。則咨嗟欲絕。蓋予亦不為靚妝埜服者。而適投東之所好也。自是招予館其家。二年。予丁丑後。奔走齊魯燕楚之郊。然聞東讀書自喜益甚。充其志而竟其才。未可涯矣。而若有摧折之者。竟齎恨以死耶。予回憶少時。交遊多倍年之長。大半登鬼錄。如甬上全謝山。越中馬德澗。俞魯修。沈清玉。吾邑謝雪漁諸公。儼從者。爭去之若浼。而予獨自有鍼砭之合。與之相習。為彼之嫌。必此之背。故往往同時相徵。迨者日近。而日疏。而其中有一二志趣之得。如璋與東者。天又奪之速。不克水年何哉。故合併之。不使其後無聞焉。

許四先生傳

先生諱某字季覺海甯袁化人行四皆曰許四先生先生少以俠聞曰往來江湖間既而折節讀書慨然以聖賢自任不屑俗儒菟瑣之學親沒水漿不入口者七日杖而後能起自呼復含飲以及殯葬虞祔卒哭祥禫皆依古禮世俗不知喪禮有非笑之者不顧卜塋兆於某原躬自舂鉞負土成墳廬舍朝夕號哭不輟何商隱姚鰲庵兩先生住弔相謂曰吾輩當盡禮慎毋倉卒為其所陋也約日至墓所至使介通命先生固辭不獲始受弔號哭降自墓門東階拜其辱然後升哭拾踊者三兩先生出先生送於墓門外拜而稽顙姚何兩先生嘆息而返曰近世以來所未見也先生身長七尺白皙鬚眉如畫吐欬作洪鐘響擱人廣座中議論鋒起即遇甚口者無不折其角而去出而交遊四方公卿大夫聞先生名爭致之海昌頓遭饑饉流離載道先生慨然憂之致書當路議甚剴切當路聽其言海昌多巨族先生藉記其姓名下注某出粟若干榜於通衢以片紙責取巨族素信先生無有難者共得粟數萬石又藉記飢民村里年貌并戶口多寡按日到城隍廟照籍以次而給人人得所欲以去百姓於先生過時必扶老攜幼羅列道旁手執長香跪曰許公活我初先生與同邑查某投契最密查振蕪科躡貴仕先生杜門隱居甘貧食淡查沒賜祭歸葬勢烜赫葬地侵許氏祖墳而兩家子弟交搆先生曰吾終不以死友賣祖父也挺身訟之官

連年不決。查許本通家姻戚。居間者以十數。先生攘袂奮髯。誓曰。頭可斷。此地不可讓。聞者乃止。後查以通海客誣先生。大吏鍛鍊囹圄。置先生於獄。會有知具誣者。營護得解。仇者百計。必欲殺先生。乃走越之山陰。辟之數年。卒踪跡得之。使幹役十餘人。銀鐺繫以去。先生知不復得生。義不辱。囚於獄中。碎磁器作屑。吞之而斃。

論曰。先生他未流。敗壞禮教。凌遲不忌。以世俗之禮事其親。雖古所稱善居喪者。何以加茲。至於厚池喜事。焦頭爛額。不顧固亦。願山農何心隱之流亞也。語曰。甯為玉毀。毋為瓦全。蓋於先生三歎云。

祭始祖說

吳成佐

事之崇高遠而不止者。出於人之情也。其得為而為之。不得為而不為之者。限於人之分也。苟惟徇人之情。而不復限之分焉。則亦何所不至哉。古之祭法。天子七廟。蓋三昭三穆合始祖而七也。諸侯五廟。蓋二昭二穆合始祖而五也。天子諸侯之有始祖也。蓋必有始祖。開國得姓受氏之人。故百世而不廢也。苟非天子諸侯。則以何人為其始祖哉。大夫三廟。則所宜祭者。至曾祖而止矣。宋儒言祭必及於高祖。所謂高曾祖考者。則亦至於高祖而止矣。若所謂始祖者。其高祖乎。其高祖之父乎。其舍高祖之父。而遠溯之數世之上。數十世之上。擇一人而祭之乎。祖宗之賢否。非子孫之所得選擇也。若子孫可得選擇焉。則其祭者如世之祀鄉賢耳。豈祭其祖宗哉。苟以始遷者為始祖。則人之由某地遷某地者。皆適逢其時與勢之不得不然。而豈始封開國得姓受氏者之可比哉。故始祖之祭。程子立之。而朱子廢之者。以其疑於禘而僭諸侯與天子也。朱子之說是也。先儒之說之不同者。有是則必有非。從其是者而已。不必徇其人而為兩可之說也。抑此不獨祭法為然也。世之作族譜者。必取遠達華胄而祖之。此皆後唐郭崇韜之見也。吾以為譜之最善者。莫如老泉之蘇氏族譜。唐蘇味道刺眉州。卒於官。一子留於眉。眉之有蘇氏自此始。而譜不及者。以其親

盡也。譜為親作。親盡則不及也。若老泉者。知重其親者矣。今之為族譜者。知重夫官位耳。豈知重其親哉。苟有能重其親者。其弗為崇禎之祖子儀哉。而以論祭法。亦猶是矣。

武王封武庚論

武王伐殷殺紂。以殷遺民立紂子武庚為諸侯。使弟管叔、蔡叔、霍叔者監其國。武王崩。成王立。三叔以武庚畔。周公東征三年而後克之。夫殺其父立其子。使武庚而非人也。則可。武庚而猶人也。則不能忘。吁者宜矣。况以三叔者之為之輔哉。是武王慕虛名於一時。而貽實禍於無窮也。其見或出後世英主之下。不知聖賢之所以為聖賢者。惟其事之當理。而心之無私也。紂之罪不可以不誅。湯之德不可以不祀。其誅紂也。奉天明威。為民除暴。武王無成心也。紂歿而武庚存。則封之以主湯與六七賢君之祀。武王無成心也。無所怨於紂。則何所忌於武庚。而必監之者。蓋以鎮一時之人心。為權宜之計爾。及其久而新朝之德澤日深。舊民之視聽漸易。則監亦無所用之。而武庚因得以世守其國。奉其先祀。與周常存。永遠無極。此武王之志也。三叔之難。非武王之所計及也。蓋一定者理。聖賢之所能盡。難平者事。豈聖賢之所能料哉。吾於是而知言做子之抱器入周者非也。做子者帝乙之長子。而紂之庶兄也。箕子

嘗欲立以為君矣。使微子而在周也。武王其舍微子之賢而當立者而立武庚乎。微子仁人也。其去也。所以痛殷邦之淪喪。而宗祀之遂斬也。若去而適周。是與亡其宗國也。豈微子之心哉。使微子而出此。又何得為仁人哉。微子之去。特適於荒爾。紂之誅微子。遷而未之出也。武庚之封。微子猶避而未之出也。及武庚之滅。微子乃出而受封爾。書序曰。成王既黜殷命。殺武庚。命微子啟代殷後。作微子之命。此周公善繼武王之志。而微子痛其宗祀之絕。不得已而就封。猶行遷之初心也。豈其始之遽入於周哉。此武王之所以不封微子。而封武庚者歟。然則不以封箕子者何也。曰。箕子殷臣也。必有不樂於臣周者。武王封之朝鮮。以遂其不臣之志。此又箕子之高。而武王之大的也。

樂毅論

古來之論樂毅者。皆不知樂毅者也。其不知樂毅者。不知論其世者也。夫欲知其人者。必先論其世。苟不詳考其所值之時。深悉其所處之勢。而欲知其人也。其可得哉。東坡之論樂毅曰。樂毅以百倍之衆。數歲而不下兩城者。非其智力不足。蓋欲以仁義服齊之民。故不忍急功。而至於此也。又曰。當時使昭王尚在。反聞不得行。樂毅終亦必敗。夫毅受燕昭王不世之知遇。知為昭王用而已矣。昭王有積怨深怒於

齊其意欲滅齊而已矣。豈欲以仁義服齊之民哉。且急攻七十城而下之。獨不急攻兩城者。豈其仁義獨施於莒即墨哉。攻者自勞。守者自逸。古之人言之矣。田單為守而遂謂兩城之易下乎。况當其時。兩城又有未可遽下者。以秦之強。蠶食諸侯。併吞六國。遂一天下。及陳涉之起。諸田攘臂一呼。國人景從。兄弟更相稱王。迄於田橫。入海居島中。而五百人效死勿去。况湣王之時。而齊遠易滅乎。殺之意。亦欲遲以歲月。安其憤激之心。銷其反側之黨。使滅齊之後。無復後患焉。爾使昭王不死。惠王不聽。齊之反間。不使騎劫來代將。則數年之後。殺終下兩城取齊國矣。豈意昭王之死哉。昭王既死。而無事不可為。殺功不可成矣。諸葛孔明不云乎。難平者事也。諸葛隆中之對。齊欲跨有荆益。結好孫權。以圖曹操矣。孰知吳好之不終。關羽毀敗。種歸蹉跌乎。所謂凡事難可逆料者也。殺豈能料昭王之死。惠王之信讒。而騎劫之來代將哉。或又言以區區之燕。而欲滅強大之齊。此事之不行者也。為殺之計。當定齊之初。即勸昭王定國置君。反城與地。則恩加於齊人。德著於天下矣。此其言是也。而獨不知昭王之猜怨深。怒於齊乎。殺即言之。昭王必不聽也。昭王之伐齊。志在於報仇泄恨。爾昭王之用樂毅。意在於滅齊爾。豈能置君而反地乎。兩城之不下。殺功之不成。此孔明所謂事之難平者也。不致殺所值之時。不悉殺所處之勢。而妄論焉。是豈足以

為義帝計者。惟遣一將以救趙。而親率諸將以擊秦。數始皇二世之罪。受子嬰之降。除秦之法。與民休息。秦地百二山河。天下莫強焉。楚雖大。僻在東南。其形勢非關中比也。因秦之規。以定都焉。而封項羽沛公。各以大國。封諸將之有功者。以小國。又封五國之子孫賢者。以無絕其先祀。當是時。天下固義帝之天下也。雖項羽之暴。何足忌哉。羽與沛公。固皆我之佐命臣。爾。惟前既有以失羽之心。而滅秦之功。又大半成於羽手。故羽得以擅其賞罰。廢置之柄焉。而天下之勢去矣。乃欲端拱安坐。用人之勞。而享其逸。不亦謬乎。吾故曰。義帝特一迂生腐儒爾。天下未有迂生腐儒之能成事者。其不終也固宜。

三國論

古之除豪強併僭偽。而一天下者。必有天下之量。又有天下之識。兼之天下之才。有其量。無其識。不足與有為也。有其識。無其才。不能以有成也。竊嘗以此論之。三國之君。光主有天下之量。而無天下之識。孫權有天下之識。而無天下之才。曹操有天下之才。而無天下之量。何以言之。劉表之卒。其子琮不告備而降操。或勸備攻琮者。備不忍荆州臨亡之託。背信以自濟。及其敗於當陽也。眾從之十餘萬。或勸備速行保江陵者。備曰。濟事以人為本。今人歸吾。吾何忍棄去。大哉。王言。其量誠足以容天下。

也。而昧於恩義之分。緩急之勢。強弱大小之形。屈伸變化之用。舍曹氏君國之深仇。而為關羽報仇於吳。幸而魏不乘之爾。使魏助吳以伐蜀。蜀之亡可企足以俟。即魏因蜀之勢以攻吳。吳亡而蜀亦隨之。此晉人取虞虢之勢也。能不為之寒心。而謂有天下之識乎。曹操之敗劉備也。舉八十萬之眾以臨江東。勝負之勢已分也。強弱之形易見也。安危之理不待決也。在庸人無不震懼恐懼。急陳玉帛撤牲。犒師於境。以冀一日之安者。况張昭輩之復紛紛擾人意哉。權獨聽魯肅周瑜之言。決計拒操。卒敗操於赤壁。使操心膽墮地。不敢復東向發一矢。以成鼎足之形。可不謂有天下之識乎。而終固守江東。不能復意中原。且稱臣修貢。所以畏魏者無所不至。則天下之才不足也。操起軍校。卒以破黃巾。擊袁術。推袁紹。定劉表。幾一天下。以諸葛武侯之才。而言其智慮殊絕。用兵仿佛孫吳。是其才誠有以高天下者。然不能乃心王室。恃其功能。而萌非分之心。使天下豪傑。得以藉口而討之。是其量之不能容也。當其降劉琮。走劉備。乘勝而前。天下無敵。乃不能致謹於垂成之功。而志驕意滿。以虛張夸誕之辭。欲以懼識深慮遠之寇。何其謀之疏。而智之淺哉。蓋人之量如其器。馬或以容升。或以容斗。或至於釜底而不止焉。無他。其器不同也。操之量止於操爾。使操遂能取東吳。并西蜀。封劉備以列侯。任孫權以偏將。其功高於伊呂。而其業並乎高光。

操之量何以容焉。故曰無天下之量也。夫用己之長者可以制人之短。三國之主則各挾其短長以相制者也。其不能成混一之功。宜哉。使有天下之量。又有天下之識。而兼之天下之才者。則三君者皆不足平也。夫有天下之量。有天下之識。有天下之才者。非光武吾誰與歸。

宋文帝論

宋武帝殂。太子義符即位。徐羨之傳亮謝晦檀道濟。同被顧命。義符立二年。徐羨之等廢為營陽王而弑之。先廢武帝次子廬陵王義真為庶人。至是又殺義真。迎宜都王義隆立之。是為文帝。開明年。文帝討徐羨之傳亮謝晦誅之。及後亦殺檀道濟。後之論史者。或以為羨之亮晦固非不忠於宋者也。亮之言曰。受先帝布衣之眷。黜昏立明。社稷之計也。晦之言曰。臣等若志欲執權。初廢營陽。陛下在遠。武皇之子。尚有童幼。擁以號令。誰敢非之。豈得沂流三千里奉迎者哉。皆實語也。文帝殺之。并殺其子弟。過矣。余則以為文帝之殺羨之亮晦。乃英斷而非少恩也。後之殺檀道濟。雖出於義康。然謂之追討廢君之罪可也。自古無人臣而廢君者。伊尹之於太甲。訓之。不廢之也。有之。自漢霍光始。然昌邑王固非昭帝之子也。昭帝無嗣。固宜擇賢而立之。光之罪在於立昌邑之不審慎爾。昌邑既立而無道。不得不廢昏而立明矣。若義

符者。固武帝之太子也。佞羨之諸人。固親受武帝之顧命者也。武帝之骨未寒也。而殺其所立之子。又殺其所愛之子。謂其忠於武帝也。其可乎哉。且義符止於遊戲無度爾。非有大無道也。既廢之。而又殺之。何其忍哉。更可恨者。在於并殺義真也。且其殺義真之意。何為也哉。羨之等已密謀廢主。而次立者。應在義真。義真善悟好文。而性輕易。與謝靈運頹延之情好款洽。嘗云得志之日。以靈運延之為宰相。是羨之等之忌義真者。恐其與靈運延之遊。恐其得立之後。必以兩人為相。而奪己之權也。如此而謂其不欲執權。其誰信之也。當時王華亦謂文帝曰。羨之畏廢陵嚴斷。將來必不自容。以陛下寬慈。越次奉迎。冀以見德。蚤已如見其肺肝然矣。且兄弟之仇。不反兵。義符義真者。固文帝之親兄也。人有殺其親兄二人者。乃德其立己之私惠。而忘兄弟之仇焉。此其居心何如者。文帝不特明君臣之義。又敦兄弟之好。可謂公爾忘私者矣。古人大義滅親者。况於立己之私惠乎。文帝初發江陵。引見傅亮。問義真及少帝。幾廢本末。悲哭嗚咽。亮流汗不能對。嗚呼。若文帝可謂賢矣。乃不以文帝明大義滅私情為賢。且反以為過。何其識之陋哉。余是以論之。

書侯朝宗太子丹論後

侯朝宗之論燕丹善矣。燕之必滅於秦也。刺之亦亡。不刺之亦亡。不刺之而且事之。

以子女玉帛。男為臣。女為妾。亦必亡。與其坐而待亡。孰若刺之。而莫倖於萬有一。然也。荆軻之匕首。高漸離之鎗。張良之椎。其皆足以被祖龍之魄者也。至言荆軻為英雄而感恩者。設遇嚴仲子。未必不為之用。是未足以知荆軻也。且荆軻之感恩者在何人乎。其以尊為上卿。舍上舍。供太牢。具異物。恣所欲。以順適其意。為太子丹之恩。而荆軻感之乎。此不足以值荆軻之一笑也。荆軻之死。非為太子丹而死。特為田先生而死耳。荆軻不死。則田光之死。豈不輕於鴻毛也哉。不然者。荆軻烈士也。何以聞太子之言。父之不能對。且有驚下不足任使之辭哉。蓋軻知死無益於燕。不死則負光。故低徊而不能決也。然光既死而軻不得不以死報之矣。若田光者可謂烈士也。且太子之謀於光者。第曰。燕秦不兩立。願先生留意耳。光即曰。所善荆軻可使。是已知太子之志。在刺殺秦王矣。其自段以激荆軻。乃光之所以報太子。荆軻之死。則為光之所 used 也。若夫曷政者。則盜賊之知感恩者耳。何足道乎。

重修唐宋忠良祠記

康基田

嘗讀史至唐德宗宋高宗之世而慨然曰。天之所以生才。豈偶然哉。才之用舍。繫於社稷生民之安危。豈不重哉。唐得一人於興元之朝。曰陸忠宣。宋得一人於靖康之時。曰李忠定。二公皆生於松。有功德於民。歿而祀於其鄉。宜也。而自唐迄宋。元華亭未有專祠。忠宣生華亭。唐時縣隸嘉興。廟祀在故郡。秦梓閩如。至明正德中。周佐請於朝。因靈明故宇。改而設之。始得立廟。忠定本閩人。而生於松。父夔為華亭尉。元豐初。生公於尉廡右之折桂閣。今稱為相公閣者。嘉靖間。知府黃潤上其事。請立廟奉祀。配忠宣。顏其額曰唐宋忠良。師表人倫。豈不偉歟。夫以環海瀟壑。江流海涵之貴。輸九峯三泖之靈秀。鍾而為兩朝碩輔。又值多故需才之時。其才皆足以宏濟艱難。其議論皆足以扶衰起困。而才有用有不用。用而不盡其用。所用之次第。又暫詳略不同。顧其不能忘君之心。則一也。有不忘君之心。然後有必欲濟之事。濟事者謀也。發謀者言也。必求濟事而無不盡之言。言盡而忌至。急則用其謀。緩則忌其言。忌深而撓之者眾。昏佞相熾。不能終具所欲濟之事。此二公之所以難竟其用也。然忠宣以清白入參機務。草奉天之詔。而迎駑帥。得卒之心。忠定以一言止南狩。而壯六軍。擐甲之氣。忠誠之感。動有同然者。論者謂興元助難之勲。忠宣有力焉。視忠定七十

日之相。如遇固殊矣。而忠定不以用舍為語。默然應款。冀君心之一悟。若赤子之慕其母。雖至怨詆。猶嗷嗷挽衣裾而從之。一如忠宣之不負其君。不負所學也。史稱忠定若諸葛武侯之用心。先正謂忠宣論諫數十百篇。一本仁義功業赫然。而心行不戾於聖賢之道。蓋皆天所篤生。以一身之進退為斯世之安危者。其道同。所生之地又同。合祠而並祀之宜矣。壬戌夏。余至廟。瞻仰遺蹟。祠宇湫隘。觀瞻不肅。乃廓而新之。增後堂九楹。加高垣門。以廓其制。自昔名賢生長游息之處。皆立書院。以敬其德業。加惠後人。余仿其意。延鄉之宿學。主講於是。俾景仰名賢。後先濟美。合於廣勵人才之意。故并記之。

重修周文襄夏忠靖二公祠記

東南之重在財賦。財賦之源在湖海。知其重而理其緒。則困者甦。知其源而浚其流。則瘠者起。蓋利害切於民之肌膚。治得其道而與民宜。民思之不已而尸祝之。至於歷久不忘於明。得二人焉。曰周文襄。曰夏忠靖。知文襄者。莫如忠靖。能如忠靖之言。而善治者。莫如文襄。忠靖曰。東南民力竭矣。文襄為之減官租。忠靖覺度支。明錢數之數。文襄濟以精。敏其撫。吳也。蘇郡積逋至八百萬。公創為平糶法。均出糶。革糧長之貽。米於家。設水次倉。頒鐵斛。令民詣倉自納。清致道之由。行之不數年。積逋悉完。

尤善在加耗餘米。歸官以抵荒。絕無糧馬。草夏稅鹽鈔。驛騎鋪陳。及軍需應派之項。有餘則與船價盈餘。同入濟農倉。以備賑貸。分別借支。俾民陰受無窮之益。安所利而不知。有訾耗餘挽公法者。廢前法不理。民益困而稅復通。乃急復之。然准心公之心者。乃能行公之法也。而其原究於忠靖一言。文襄理財賦之緒。忠靖清財賦之源。知農田之大利在蓄洩。尋三江入海故蹟。濬吳淞下游。上接太湖。度地為閘。以時蓄洩。之水由故道入海。復白茆劉河黃浦出海之口。疏上游積水。東南水患悉平。具子役河干也。布衣徒步。日夜經畫。或暑見役夫暴日中。慮其蓋曰。吾不忍獨適。亦猶文襄之每行村落。屏去駟從。與農夫鉤埽相對。從容問所疾苦。賢者所為。大略相同。宜其入人之深。愈久而不能忘也。文襄祠立於咸化十五年。嗣復合祀忠靖者。以二公之同心濟事。相得益彰也。二公精神在天地。功德在人心。而合祀乎松者。三江出入之道在松。蠲通使漕之利。松人沾澤尤深也。余壬戌夏。道經二公祠。見屋宇摧圮。亟加修治。增儀堂三楹。宏其規模。環以周垣。俾鄉人士瞻仰前賢。學業於斯。仿周禮二十五家之間。有塾。選左右師。訓閭中子弟。益廣二公之惠澤於無窮焉。是為記。

為人後論上

韓夢周

儀禮喪服為人後者三年。傳曰：何以三年也？受重者必以其尊服服之。為人後者為其父母期。傳曰：何以期也？不二斬也。此言承大宗者尊之統。故降服以明重也。為其父母期云者，別於所後言之也。父母之名不可易，亦無以易也。此先王之達禮也。統之亂也。始於漢宣帝。宣帝上承昭帝。初謚父曰悼者，未為失也。繼尊曰皇考，則帝系紊矣。何以明所承之重乎？名之失，始於宋之濮議。皇伯父之名，不載於經傳，不可以義起者，則禮不制也。聖人以為統明其重，服降其等。禮義足以定其守分，而人心安矣。議者乃曰：為人後者為之子，恭敬之心，分於彼則不得專於此。嗚呼！何其甚也。設不沒其父母之名，則恭敬將失於此乎？是為刻薄以待人。聖人大中之道，不如是也。此皆背於經訓，不可為法者。至明之世宗，其失尤甚。世宗承詔入繼大統，統承武宗嗣繼孝宗，不易之典也。漢之惠文、宋之徽哲，可類推也。乃帝與獻而稱皇考，稱孝宗為皇伯考，實違名乖，統嗣俱絕。先王之典，於是盡矣。宋英宗當濮議未決時，出內詔，即國立廟稱親，不加尊號，以皇子奉祀，真合於典禮者。蓋英宗既考仁宗，則統系明矣。稱本親祀於蕃國，則名實彰矣。臺諫諸臣以為中書之議力爭，遂致中寤，措哉後之議禮者，其亦考於此乎。

為人後者為之子。迂齋幼濬皆以為公羊引禮經之文。考禮經無此文。迂齋謂弟為兄後亦為之服。此禮可施於天子諸侯。不可行於士大夫。以弟後兄。殷人為多。周秦以後間有之。士大夫則無此矣。孔子曰。宗子為殤死。族人以其倫代之。若非殤死。必不以倫代。可知矣。又謂弟為兄後。斷以為子之例服斬。不知母若後死。亦降服乎。服其嫂如母乎。此皆義之不可推者。幼濬謂禮死乃立後。未有生而立後者。獨子不可為後。定陶獨子。尤為非禮。此禮可施於士大夫。不可行於天子。天子春秋高。不預立世子。後必階為。既擇賢而立。以承天地。亦不得以獨子爭。士大夫小宗可絕。大宗不可絕。况天子乎。蓋禮以義起。變則為之制。不可滅古離經。亦不可泥古執。故曰可與立。未可與權。自記

為人後論下

宋漢園之議。侍從臺諫諸臣與中書為抵。然其失於詞者有二端。始引公羊之言。謂為人後者為之子。不得顧私親。恭愛之心。分於彼則不得專於此。此非所以告其君也。大宗者。收族者也。天子者。覆育天下者也。而先使之疏其本親。何以示乎。戴德王肅喪服記曰。為人後者。為其父母期。喪服之節。居倚廬。言語飲食。與父在為母同。雖除服。心喪三年。宋之時。著為功令。豈謂不伸其愛敬乎。是亦不得其理矣。繼又劾韓

魏公專權導諛厚所生而簿所繼。隆小宗而絕大宗。嗚呼！何其氣之矜而易於言也。使英宗廢宗廟之祀。為濮王加號立廟。主其祭。謂之隆小宗而絕大宗可也。或濮王稱親而不考仁宗。謂之隆小宗而絕大宗亦可也。而固無是。乃橫被以惡語。而曰勢難兩立。人之專己好勝如是哉。其所謂隆小宗而絕大宗者。不過以濮王稱親則仁宗不得專有其子。遂謂之絕。云爾。禮之所謂絕大宗者。不然。謂自祖稱推而上之。至於始祖。承其宗祧。以奉祭祀。故曰大宗。大宗亡則廟祀廢。乃為絕。不以為後者稱所生為親。而謂之絕也。諸臣之意。蓋深慮英宗厚於本親。而遺所後。故執公羊之文。衍而愈甚。辨而愈厲。不違公羊以弟後兄為解經之誤。又據之以疏其本親。歧之中又有歧。非可以一端明者也。英宗謙謹。不欲過督臣下。若明世宗。則大禮之獄成矣。不得所折衷。持之過急。則反之必戾。此張桂之邪說所由入歟。

種放論

易曰。不事王侯。高尚其事。傳曰。不事王侯。志可則也。士君子不幸而為隱。豈其所欲然哉。所遭之時異。而志有所守也。其有秉性沈退。甘老山林。亦各行其志者矣。凡人出處。何能預執。惟立清節者。不可以降志異哉。種放之為隱也。其母故之也。史稱宋惟幹薦放才行。太宗召之。其母志曰。嘗勸汝勿聚眾講學。身既隱。焉用文為。果為人

所知吾將舍汝入窮山矣。故乃稱疾不起。其母盡取其筆硯焚之。既而應真宗召。官起居舍人。東封西祀。無不預。祿賜既豐。遂飾輿。置田長安。強市爭訟。守京兆王嗣宗條上其不法事。會赦得免。杜鎬至。誦北山移文以譏之。故亦恬不為媿。是時其母當已前沒。故故得自適胸臆。以此觀之。方其聚眾講學時。豈真樂道自甘哉。苟以釣名志固。覲乎此也。此乃賤丈夫之流。何名為隱乎。故同時陳搏。嘗召入朝矣。故還山。魏野召不起。至命工繪其所居觀之。林逋止受粟帛之賜。其清風亮節。真足令人世仰慕。尹和靖欲罷應舉。告其母。其母曰。吾聞以善養。不聞以祿養。伊川聞之。歎曰。賢哉母也。故固非和靖比也。然亦其母之罪人哉。

書寇萊公傳後

小人之傾君子。常掩其功。別搆事端。文致以為罪。韓信搗手之語。馮援意以之諫。皆是也。未有直以功為罪。顯然以欺人者。宋真宗澶淵之役。寇準實贊成之。真宗以其功在社稷也。重準。王欽若疾之。譖於真宗曰。澶淵城下之盟也。春秋所恥。又譬之於博。以為孤注。真宗惑之。遂疏準。出知陝州。春秋之義。圍急勢窮。乞盟者為城下之盟。當是時。帝渡河。御北城門。諸軍望見。御蓋踴躍歡呼。聲動數十里。契丹相視怖駭。已而數千騎薄城下。詔士卒迎擊。斬獲大半。引去。因使其臣韓杞請盟。是乞盟在契丹。

不在宋也。何為城下之盟。準告真宗曰。王超領勁兵屯中山。扼契丹之吭。李繼遷石保吉。分大陣以扼其左右肘。四方征鎮赴援者日。至何疑而不進。是時繼遷已殺其將蕭撻覽。敵大挫衄。是準之計畫周詳。將昇在己。何為孤注。此皆庸人常士之所易。晚而欽若乃假經義以文奸。誣功為罪。以蠱其主。當契丹之入寇也。邊書告急。一夕五至。舉朝洶惶。眾志莫保。於是欽若有金陵之請。陳亮叟進幸蜀之議。真宗意搖。此時非準。靖康之禍。必見於景德之年。不待智者而決矣。及事定功成。一言聞之。若振槁然。其故何哉。曰。真宗懦弱人也。與準不相投久矣。澶淵之舉。始終異議。尤其痛定思痛者也。其用準也。舉士安之力也。士安薦準參知政事。真宗曰。準性剛使氣。士安曰。準忠義。忘身殉國。方今戎寇生心。邊境不甯。正用準時也。及準勸帝親征。帝猶豫未決。士安請從。準議。帝乃行。真宗之信士安。過於準。做士安。則準不得居其位。行其志矣。士安卒而欽若之譏行矣。欽若不足責。朝之人竟無一言何哉。

復魯絜非書

去歲自阜甯歸。投跡荒山。都與人事隔絕。暮春得足下手書。及大集。讀之。喟然歎足下之所施於家。行於宗族者。卓然追遜乎古人。此實夢周所服膺。不獨以其文也。夢周固拙於為文。今更居無何有之鄉。無所感發。益復屏絕紙筆。冥然而處。與時為寢。

食自謂便可過此一生。然幽寐之中。觸事與思。益覺斯人不可棄。利濟之念。怦怦未已。因思海內交遊。同此志者。既多。伏而不遇。而夢周以既退之身。無可復言。惟足下方需次。民社之寄。依時而至。與

天子共斯民者。惟良有司。此夢周尤願足下推其行於家者。以施於國。得時而為。務進之以古人之法。一切反俗吏之所為。使世知古人之道。必可行於今。有志者皆相聞而起。其為關係良非淺細。世之為史者。不若察則浮沉。浮沉者半在讀書之人。非盡其才不可驅策。彼固有所利之也。曰無為大惡。為大惡則刑至矣。無為大善。為大善則利去矣。其究則未有不舍其小善而歸於大惡者。何者。所志在利。利有涯乎。為小善則利有涯矣。惡得不歸於大惡也。其不罹於刑者幸耳。夫國家課吏以廉。祿止足以代糶。乃為史者。虛而往。實而歸。比比皆然。其所為可知矣。志行鄙劣如此。又烏足以興古人之治哉。然於此不能無少優劣者。何也。此以五十步笑百步之說也。豈如不走之為愈哉。未有利己而能利人者也。長此不已。斯人何賴。此夢周於足下。所以不勝拳拳也。夢周今年四十有七。精力早衰。目尤昏耗。不復可用於世矣。功業不必己出。朋友為之與。自為何異。歸於濟物而已。足下以為何如。大集奉還。畧分甲乙。未審當否。臺山久無消息。尺木云。近居僧舍。息心學道。此書示之。並選奇音。不既。

三錄叙

周衰道術分裂不衷諸聖至戰國而功利益熾人各挾術干時以相蔽蔽於是兵刑之家紛然並作世務益煩生民之禍益急於其時能法堯舜誦孔子欲以正人心救民水火者孟子一人而已外此則前卿庶幾近之然孟荀之道既不得行於當時其書儕於諸子亦未大顯於後世至唐韓愈然後尊信而彰明之而兵刑之家則身庸而法效述之者無絕傳嗚呼當秦承周祚赫然以刑殺威天下裂人之國夷人之族其殘酷寡恩泯然無可隱潤於其中致使堯舜孔子相傳之道蕩然無復留遺豈其性之異人哉蓋道愈高則為之愈難其使私智卑而易行速而有顯功者人固樂趨之不厭仁義禮智之日蹇生民不被王者之澤其所由來豈偶然哉夫邪說之始立其心猶以為達時之術一切承使之智自時君利之昧其所自遂謂持世之法固然舍是且失其所操循邪正之不分是非之極不著若之何能定其趨向也汪子大紳有志於經世之務其學既以仁義禮樂為歸灌後之言治者雖道而任術於是取孟荀商韓孫吳之書比而著之究其指歸析其美弊本之心術反復以達於治道旁及陰符者發兵刑之秘鑰也名曰三錄由其說王者之效殆可立致也嗚呼聖王之治天下以道為基以仁物為本其極歸於盡己性以盡人之性其盛至於天地位萬物

育。此堯舜三代之行事。孔子之所祖述。子思以之傳於孟子者。前卿或未盡知之。奈何商韓孫吳之徒。紛紛乘時。為生民禍哉。此汪子之所深悲也。

贈同年李兩亭序

曩予與原曲安君改亭。同官上江。地相去千餘里。然有事於安慶。必約期偕至。至則相與究民生疵病。與所以設施者。諄諄以利物相勉。切及于罷官。改亭亦錫級去。中懷每有所見。遂無可與談說者。憶予嘗謂改亭。天下之大。譬諸一人之身。縣邑僅分一節而不逮也。然使一身皆安樂無恙。而一節間有蟲壞而病之者。則舉體為不樂矣。其不喻者。瘋痺使之耳。今吾輩幸分一節之體。顧可有所蟲壞。使舉體不樂耶。改亭深然之。夫天下之輩。非己任則已。既任於己。甯有大小之殊耶。分身之一節而毀之。謂之刑人。狹一城之民而毒之。謂之亂士。眾節合則身全。羣邑積則天下具善養身者。勿傷一節。善治天下者。勿病一邑。然則縣令之所關。顧不重哉。同年李君兩亭。舊宰鹽城。以事挂吏議。上官惜其材。請於朝。復留江南。李君不棄予。屢顧予於客舍。與之語。懇懇乎如曩者之對改亭矣。予每有所懷。不得宣發。輒慨然思改亭。李君其使予不復思改亭也。然則曩所語於改亭者。李君烏可以不聞哉。李君得官有日矣。予首所勉焉。未至者。又烏能無望於李君哉。

遊鮑烈女祠記

鮑烈女祠在山陽縣南門外二里許。烈女冢處也。祠三楹。祀烈女。以王媪配。墓當階下。甃甃之。覆以亭。老松四林。環其角。一株半欹側。道北風至。聲大。可枝葉靡披。欹側者。作岌強攫孳勢。不可降。時夕陽叩屋瓦。階草暗淡。生暮色。余坐草間。拾松子盈握。會暝乃歸。按碑記。烈女字李洛。未娶而洛卒。父母為改嫁。將歸。烈女曰。吾得一祭李郎墓。願足矣。許之。家故業楮鏹。烈女粘楮為衣。漬以油。衷之。裝以素服。偕弱弟與一老媪適墓所。至則令弟搗糗。夫他所。以故遣老媪。乃大焚楮鏹。縱身入其中。油楮熾。衣焚肉焦而死。時明萬歷四年也。逮我朝。乾隆六年。歙人程鍾為請。得旨為建祠。邑諸生許常憲為修墓。嗚呼。烈女之死。其智有不可測者。蓋能積其誠一。必有非常之謀。使之必達其志。事豈有常道。願其所以自致。有誠有不誠。而履云無可如何。如烈女之死於楮鏹。豈亦成法之可尊者。其誠一使之然也。相去幾二百年。奇節烈行。乃大顯揚於世。國朝獲貞勵俗之典。不聞於異代。而程君許君之義。亦可為頌俗勸也。先是烈女墓為人所驚。王媪嗚於官。得復。故以配祀云。

飼鶴軒記

飼鶴軒在阜甯署西偏。署故有兩鶴。失其一。其一推殘無偶。混雜鷓鴣。爭食泡瀋。飢

不能充。體瘦而神愴。余罷官來客於此。見而憐之。主人築室以居。予遂引鶴於庭。飲以清水。食之以蝦稻。鶴乃意適。以嬉以遊。予亦喜鶴之得所依也。因以名其軒。凡物之理。莫不樂得所。然要各適其性。或易其地。輒有不堪。馬牛之所嗜。不可以喻。鹿。山林枯槁之趣。不可以供軒冕。此之所樂。彼之所棄。其性使然也。鶴之為物。禽之野而尤逸者。其不樂於依人決矣。然此鶴隨人而求食。若將勿獲焉者。豈非飢之為累。驅之使然歟。予固悲鶴之違其性也。雖然。鶴不得食。不遇飢而死。以免飢而死。違其性。鶴固不得為物之靈者也。物之靈者。不能使之飢而死。以違其性也。如麟鳳是也。嗚呼。麟鳳非可時有也。鶴固不失為物之逸者也。奈何乎違其性哉。

新設恤孤院碑記

生民之弊。有在古有之。後世益甚焉者。其甚之之端。起於人所不及見。後世遂積重而不可返。窮獨無告之民。三代之世。未嘗無也。洪範言無虐於獨。康誥稱文王不敢侮鰥寡。周禮以保息養萬民。三曰振窮。四曰恤貧。而八刑有不恤之條。其著於經者如此。然竊意古之時。井田有常制。民各受田。以力食。貧富無絕。殊老有所終。幼有所長。男女有所歸依。以生以育。真其室家。則所謂窮獨無告者。殆天刑之民。生人不復遇之遺。其為數也寡。故其措置亦易。周禮所謂賑恤。遺人之委積。里鄉之受養。足以

濟之有餘矣。自戰國并田既廢。兼井遂興。末務益競。土地之利。商賈得以操縱而轉移之。於是富者連千畝。貧者無寸土。衣食之源既失。室家之道不立。鰥寡孤獨者。日積而莫得所歸。弊之益甚。則兼井者之為害也。夫土地不多加。民不加少。此有盈則彼絀矣。失業拂生之民既眾。不恤之刑無所施。於是賑恤乃專任之官。來安額設孤貧二十人。額外孤貧二十人。凡四十人。外此之願連無告者。尚隨在而有。乃謀諸邑之好義者。贖金三百兩。田種四十石。為新設恤孤院。就養者亦四十人。財則勸之民事。則主之官。蓋倣周禮之法。而變通行之。亦所以救其太甚者與。夫土地。天之所以生萬物。帝王之所以養萬民也。今乃為最富所兼井。使民多失其所以生養。而人恬不為怪。蓋其所由來者漸而昧之者多也。嗚呼。其不可復也久矣。

吏部考功司主事閻君墓誌銘

乾隆三十一年。余需次都下。得來安令將行。閻君懷庭。送至郊。執手流涕別去。是歲君成進士。補吏部考功司主事。踰歲書至。言部務殷繁。至不暇寢食。且曰。將告歸。予心憂之。知君有夙疾。恐以勤勞增劇也。戊子秋。予供事閩中。九月回來安。而君之訃至。嗚呼。其可哀也已。君少孤。未諳葬事。墓地卑隱。水壩塚。既長。以為大戚。陰雨輒號泣不食。繞墓走達夜。後墓雖遷。終以此致羸疾。浸淫至於無救。在考功日。汲汲於國

計民生之大者。誠有不合。侃侃與上官爭。又規畫多遠略。時益以為迂濶。不得行其意。遂告歸。先是齊魯之士。文學質行相尚。而道學解傳人。君德器渾成。本於天植。又深習先儒。得其所用力之方。其大要以忠恕為根本。以倫常為實際。毅然絕學。為己任。俊生晚進。被其教化。皆知聖賢可學而至。既壽不得長。所蘊未及一施。然識者以君德業成就。無愧古人。君學無所不統。而好為精思。著有尚書諸記。毛詩諸記。春秋一得。困勉齋私記。西澗草堂集。各人小傳。見聞隨筆。共若干卷。藏於家。方君之告歸也。距支俸期三日。友人謂曷少遲。可為贊斧。君曰。吾懼貪位懷利。以事君。故告若爾。是懷利也。友人歎息而去。君平居溫溫。若無以異於人。至遇事。人所糾結。艱苦不可為者。君處之。暇豫不惑。不阻。蓋其中之所養如此。君諱循。號伊萬。先世太原人。諱均大者。始遷昌樂。曾祖諱世繩。官至詹事府左春坊。左諭德。祖諱瑜。以翰林出知長興縣。行取主事。父諱廷倩。太學生。母吳孀人。生子一。即君也。卒於乾隆三十三年六月二十九日。得年四十有五。娶姜氏。繼娶郭氏。子四人。學夏。學高。學宏。學游。女三人。將以某年某月某日。葬於營邱黎家村先人墓側。從子學賜。學和。以予知君為切。來請銘。義不敢辭。銘曰。

植其德。聖賢師。年雖未永。稱不衰。吾質既亡。將安歸。

楊君稼軒墓誌銘

乾隆辛巳。予遊淮安。得交邱君蘭城。問所與遊之賢者。曰楊君。字稼軒。事繼母孝。博學敏文詞。異日稼軒至。視其色溫信可愛。敬余。舍於稼軒。夾勺湖。時時過。置酒縱談。稼軒證據古今。指陳得失。賢否鑿鑿。中事理。或論經藝。彈極異博。為文操筆就。不自珍惜。或勸之應舉。笑而不應。以資為太學生。稼軒自高。曾以來。皆仕宦。有文學。其父去三公。延馬芝園於家。教稼軒兄弟。又嘗從齊息園遊。稼軒固質敏。其所浸漸不偶然也。稼軒雖世宦。然不豐於財。拮据備甘旨。撫寡弟。婦盡恩禮。城獲僮役。欣欣如也。與人交。振人之急。無所惜。而嚴於恥。甲午黃河溢。灌淮安。舉城皆逃。余亦避水運河舟中。時囊蓄四金。日啟窗指數往來人。覓蘭城稼軒。既得見。大喜。各贈以二金。稼軒辭曰。君客中。固有長物。當留以備緩急。余曰。君家沒於水。罄所蓄。老母遺寄他所。可無晨炊耶。乃受。余將北歸。稼軒偕同人餞於河上。舉杯屬余曰。君歸必不出。懼相見無期。不覺淚下。既以見懷詩刻石寄余。選復來遊。閱數歲。余以事過淮安。漏再下。款其門。聞者見余。驚喜大呼曰。韓先生至。稼軒披衣出。握手唏嘘。慰勞。遂要蘭城。命酒談竟夜。是時大暑。汗雨下。淮安盛蚊虻。不覺其倦也。後灘人有南役者。寓書問訊。未至而蘭城書來曰。稼軒沒矣。嗚呼。可悲也。君生於某年某月某日。卒於某年。

某月某日。享年若干歲。母某氏。繼母某氏。妻某氏。子某。德與稼軒。蘭城秋夜坐勺湖畔。月明鑑人。可透肌。天晴無點雲。稼軒談歷法。歷舉梅定九季厚庵之訛。與西學相證合。意興飄然。不知身在人世也。許平生與昌樂。閻懷庭。讀書程符山中。時復有此嗚呼。可再得哉。所著詩集若干卷。文集若干卷。老子解。易禮。易福。已行世。余為之序。將以某年月日。葬山陽之某鄉某原。蘭城以書來徵銘。乃泫然而銘之。銘曰。便使其腹。厥行翼翼。不遊於世。孰幽獨。有文在手。子其續。銘以貞之。永不剝。

法迂齋先生墓誌銘

迂齋姓法氏。名坤宏。字直方。一字鏡野。膠州人。膠去濰僅二百里。余與迂齋相知三十年。昔問時至。去年冬。以近文示余。余讀之。歎其老而彌工。中有議禮文。質以所疑。久之。無報書。余私憂曰。迂齋具有恙乎。未踰時。而凶問至。嗚呼。弱年師友。至是盡矣。始予應童子試。方幼齡。而迂齋聲振齊魯間。於眾中望見之。乾隆十七年秋。恩科會試。將公車北上。有款門至者。則迂齋也。曰。我來與君偕。余與迂齋同郡。而年不相及。聞於友人閻懷庭。道其經明言立。可追古人。至此得與訂交。懷庭迂齋同年友。合志術者也。迂齋博通羣經。尤邃於春秋。所著春秋取義測去例明義解傳注之曲鑿。九易稿而後成。以細目提要。後人傳述。或失其初。非朱子手訂者。細目要則為文喜。

人彈璣。每一字屢更不厭。余為序。學古編。謂其得太史公深處。吾鄉宋玉叔王文簡未之或先也。迂齋報書云。言者異。則人心變矣。此序他日出之可也。遂易而用之。其善下不自足如此。法氏原籍濟南。始祖文質。為膠州學正。遂隸膠籍。九傳至怡雲公。遂以舉人仕。至懷慶府同知。國初。死。逆鎮海時行之難。乾隆二十九年奉旨入

昭忠祠。是為迂齋高祖。曾祖若真。持薦五經異才。授中書舍人。順治丙戌進士。入內翰林院國史院。仕至安徽布政使。祖檉。康熙乙未進士。任大理寺評事。考光祖。太學生母焦氏。迂齋初為學。即厭講師訛。多持見人。咸詫之。所為文。閉目不敢道。以故為諸生三十年無遇合。惟督學徐公鐸奇賞之。辛酉以第二名舉於鄉。徐公語主考萬公年茂曰。法君老學鉅文。君可謂能得士矣。七上公車不第。以年老舉人授大理寺評事而歸。遂不出。先是。詔旨年八十者。授翰林銜。或謂迂齋曷益年。迂齋正色曰。事君不可欺。迂齋喜談論。淋漓動人。余嘗過所居海上廬。偕駕柴車。觀少海。是日大風寒。語輒舌遊。迂齋於車中。迷平生。至可喜。輒撫掌大笑。抵暮買魚市酒。歸曰。與君為竟夜談。是後不復相見。而迂齋卒矣。生於康熙三十七年十月十四日。卒於乾隆五十年二月十六日。年八十有七。以是年某月某日。葬於某鄉某原。妻冷氏。子二人。萬齡丙子科舉人。九齡州庠生。出嗣弟斯野。孫七人。夢徵庠生。曾孫六人。萬齡以狀

來請銘。遂捨然序而銘之。銘曰。

漢儒治經。屹屹以專。唐儒祖漢。博以繼焉。於惟宋儒。既精且闕。非精之為。惟身是益。既闕且備。為復世師。迂齋之學。殫究聖志。筆削既彰。典禮用植。烈烈怡雲。捐軀海峽。

聖朝褒節。忠著

思給。迂齋稽典。

涕泣建祠。繼

皇之仁。維祖之德。以率族姓。爰訓子孫。俾式於則。罔不有欽。海水滄澗。勞峯蕭瑟。我作斯銘。以垂永極。

自念於先生為後輩。生未謀面。遠不相知。獨萬里浪跡。窮年碌碌。有略相似者。而以衰殘疲沓之筆。附名簡端。篝火雨窗。凄然傷抱。不自知涕之泫泫也。既以告於子若孫。遂次其語。以為先生詩集後序。

程草田先生家傳

乾隆乙酉正月十四日。涇川程草田先生卒。其孤永英。方以醫名吾郡。先生病。戒家人毋關永英。遽聞病馳歸。手艾容清。已為具含斂。先是先生見予詩文。貽書懇懇。訂神交。兼屬商定菊花詩。余重其言。未報。先生猝逝。乃大海痛。寄詩哭之曰。余負先生矣。至是其孤自為狀。件繫。兼行以家傳請。嗚呼。倚雲何足以傳先生。顧先生來畫。自言不慕顯人。余忍以窮賤辭。先生諱詠參。字星文。一名復川。字少涯。別號草田。程於涇為巨族。萃居水東。高祖以下。世以文學鳴。於時。父諱賜。履郡諸生。名在邑志。文苑傳。數本好義。矜尚氣節。博極羣書。工詩古文。辭書法。旁及兵事地理。海內勝流。爭下之。生五子。伯仲各種。譽。先生行三。性至孝。繩趨尺步。事事精習。德藝並進。襟韻識趣。尤超邁。有父風。家久落。輕財如故。詩文筆跡。酬應不絕。潤筆亦例却。或以濟人之困。值窘境。人不能堪。灑如也。夫人山陰張氏。自具祖文達公。官太平郡佐。僑馬先生為贅婿者八載。乙卯妻兄殿垣。客粵東。馳書迎養。張夫人侍母行。舟次韶關。暴卒。先

生寄柩於途。寄子女於粵。歸侍老父。父欲為續娶。痛念良耦。不更娶。謀還旅櫬。族賙數十金。受而緡諸他篋。柩還。恣反之。惟蕭君際可及族弟維効。餽不辭。其介節如此。蕭君者。故莫逆交。死不克葬。一子貧且弱。先生憂之。乃使張夫人柩他所。出己厝地。謀得數十金。俾祔葬。其先墓側。體素儉。難於走趨。獨究形家言。攀陟若履平地。數踞。踞為人營寔。數曰。是必具神仙之目。聖賢之心。樵夫之足。猶未也。更須陶朱之富。乃可云濟人。沒之日。樵棺而恔者。多葬親之貧子也。先生擁父書。閱覽幽討。氣常鬱鬱然。有不可一世之志。既困伏不遂。倘徉岳泉古寺間。亦曠亦峭。浮慕者求一見不可得。遇寒士真成。必加敬。或媿媿竟日。人謂是。奚足與語。先生曰。若富人。公等又爭趨之矣。有老夫款曲地耶。昂藏落穆。一以古道自律。三數老輩。陳說今古。一室危坐。至夜分以為常。少年鷗謹者。則溫撫而戒勉之。儂薄浮侈之習。避之若仇。性儉而厚。雖囊無一錢。時則則具。嗟悶博獨意。父授狼裘一。嚴冬勿向。問之曰。見村人無絮襖者。取。滋局踏耳。居閒無他嗜好。獨喜臨池。尤工大書。庚年客金陵。李仙寺殿撰之孫來訪。求書其家祠聯額。字高五尺餘。聯字亦二尺。揮汗立就。氣如龍虎。李君驚拜曰。某空走半天下。何意得神筆於此。宛陵吳叔琦在座。作大書歌。有先生絕技天下無之句。同鄉趙然乙侍御寄懷詩。亦云下筆掃千軍。往往危毫。其傾倒一時可想也。

者迷盈篋。每作章草。繞脫稿。輒為人藏弄。頗多散軼。嘗諭子弟云。人生百為。都是草稿。死後乃勝真耳。可不慎乎。聞者悚然。兄弟友愛最篤。季弟容清事先生如父。有溫公之風。族弟維効。從學雪濤。尚德義。精幹解。得先生深處。生平悼亡早。老親捐館。儀益蕭瑟。嗣君寄粵東。踰冠始歸。讀書垂成。旋服賈異地。又卒業醫家言。先生息影雪濤山房久。遺書半貯焉。偶以病家居。適年再往。書忽被蚊蝕過半。中有祕籍亦灰飛矣。憤痛不自持。疾復作。蹀甚。折樹上木瓜燒湯浴。浴罷喘汗不止。嗣君所從醫師查聖源來曰。不可為也已。數日竟卒。年六十。有二子。一人即永英。女一人。適嶧縣諸生吳思環。早寡。孫二人。

鮑倚雲曰。趙侍御稱先生古狂士。蓋磊砢有正骨。當其激發時。如遇魯仲連。李太白一輩人也。予既以不獲一面為恨。又恨未親所著全集。獨菊花詩長札。出入懷袖間。約箋二十四。各易其名。語特奇麗。聞自金陵移植雪濤之三笑園。花大如盤。莖高者七尺。歲歲幽賞不厭。閱菊箋如見菊。捧菊詩如對先生矣。

文氏貞烈傳

貞烈文氏。涇處士文義生長女也。生而端靜寡言。如孝義。乾隆壬申年三十三冬十月。歸翟永槐槐父諱奉白。字華野。名諸生。母陶孺人。生四子。槐行三。華野公授經漢。

南制府署。昆孝並業儒。仲永柱獨任家務。槐有羸疾。屆婚期。出應郡試。比歸。伯兄永粟病篤。槐居宿於外。台丞未行。而遭伯兄喪。哀痛焦勞。疾大作。明年正月。始入床。資扶掖。陶孺人憂之曰。病體不可。夫婦同居。焉若送新婦歸甯。病愈。相迎可乎。僉曰諾。二月。槐病益劇。氏來視疾。涕泗橫流。槐亦泣下。陶孺人曰。病如此。可復傷厥心乎。新婦宜亟歸。氏飲泣而去。逾月。槐卒。氏臨喪。晝夜號咷。絕食飲。骨瘦形銷。聞者莫不流涕。陶孺人謂曰。吾兒苦爾矣。強使進飲食。父母遣人迎。數四不往。三載後。始一歸甯。父母憐之。中懷異議。氏竊聞。欲歸夫家。託辭拜墓。父母不知也。既覺。大海追及之。挽留不得。家人頗怪其往來倏忽云。永柱娶汪氏。生二子。長守赤。汪卒。守赤在孩抱。氏思撫之。華野公歸自滇。立守赤為槐後。氏事舅姑甚孝。舅姑先後歿。家倍窘。仲肩其勞。氏紡績共勤苦。兩手痛憊不停工。一燈課兒。訓勉切至。今守赤知孝弟。美言不為。讀書能文。胥氏力也。外家漸落。父亡。氏出紡績。所積以助喪。母喪亦如之。一弟貧不克娶。經畫五六年。得十金為助。昨歲冬十二月。仲議葬父母於銅陵。柩將發。氏詣厝室。哭失聲。既葬。季永杓留墓所。仲先馳歸。為守赤望日成婚禮。禮成。氏不勝悲。入卧內曰。吾事畢矣。先是旬餘。槐從兄諸生蕭炳革。謂其繼配高氏曰。我無子且死。汝安歸。高泣曰。亦惟死耳。既殯。高自經。家人驚。救。丈氏以糝里往視。謂曰。相約同行也。高

曰汝有子。曰吾所以遲遲者。蓋有所難。今吾事畢。可從良人地下矣。高氏絕粒五日不死。伺守者怠。起覓刃不果。仍自經。蓋即守赤婚期而踰三日夜分。文氏亦自經死。年四十二。是為壬辰十二月十八日。程君永英固請余為家傳。而詳其事以告曰。吾高祖支下。四日之內。一門雙烈。文氏嫂尤可謂從容就義者也。當吾兄疾篤。結綵粹別而寘。是貞女也。廿載完貞。是節婦也。色養舅姑。侍疾居喪。備極哀謹。昇而後死。是孝婦也。撫孤成立。授室。乃云事畢。從良人地下。是烈婦而又慈母也。力疾作苦。積金佐父母喪。為弟謀娶。又克孝於親。而友於兄弟者也。女婦若此。可謂難矣。嗚呼。節孝之門。君子激揚之意。余何敢殺其辭。

鮑倚雲曰。烈婦自夫亡後。未嘗須臾忘死。蓋二十年如一日也。昔人云。死易立。孤難。如烈婦者。兼之矣。即古之程嬰。何以加焉。且其於舅姑。父母兄弟間。罔有缺事。是之謂完人。巾幗云乎哉。